

Say **KAMUSTA 48** to Philippines **toea per min**

"Use your prepaid Clifton, Citi Fixed wireless or Landline to Call your loved ones in Philippines now and enjoy the lowest call rate in PNG all day all night!"

Promotion starts June 12 - 16, 2012.

24/7 Customer Care on 345 6789 website: www.telikompng.com.pg



ANGRY BIRDS GEIM **FRI!**

Nokia Jaz2 nau i kam wantaim Angry Birds geim long K299 tasol. Kam wampela lapa ol i pinis.



**YUMI VOT NAU:** Taim bilong votim ol nupela lida bilong lukautim yumi long faivpela yia i kam, i kamap pinis. Yumi noken abrus. Em i taim bilong skelim gut tingting, na makim man o meri husat bai gutpela lida. *Poto: Nicky Bernard*

ANGRY BIRDS



Nokia Jaz2 K299

**EM TAIM BILONG KEMPEN**

18 Me - 22 Jun

**1**

Moa De...



ELECTORAL COMMISSION Papua New Guinea

## Votim gutpela lida ...ol nupela provins go pas

Aja Alex Potabe i raitim

**POLING** bilong ileksen 2012 bai stat dispela wik Sarere long nupela Hela na susa provins bilong en, Sauten Hailans Provins (SHP).

Dispela wik Sarere em i taim na de olgeta manmeri long Hela, SHP, PNG na ol arapela kantri tu i bin wetim i stap.

Moa long 8, 000 ami na polisman i go antap pinis

long Hailans long helpim llektoral Komisn (PNGEC) wantaim ol sekyuriti wok long larim kantri i gat fri, fea na seif ileksen 2012.

Taim moa long 4, 000 kendidet i resis long winim 111-pela sia insait long Palamen, ol pipel i redi long votim ol kendidet long poling taim, we em bai stat dispela wik Sarere i go inap 6 Julai.

Ol intenesenel poroman bilong PNG olsem Australia, Nu Silan, Saina na Korea i givim pinis bikipela halivim

long PNGEC long ronim dispela ileksen gut tru.

Australia na Nu Silan i givim moa long 250 ami long helpim PNGEC wantaim ol lojistiks wok.

Antap long dispela, ol i givim 11-pela helikopta na 4-pela balus long karim i go kam ol ileksen samtimg olsem balot bokis, balot pepa, ol wok manmeri bilong PNGEC, na ol arapela samtimg.

*I go moa long pes 2*

SCAN HERE

f t

**BOOMER**  
FOLLOW US ON  
15000000

Joinim Digicel Naet!  
www.digicelpng.com  
Digicel Taim na Haindiana wata.

**Digicel**

PNG's Bigger, Better Network.



**GLOBE**

....the perfect choice

**VITAMIN ENRICHED**

More Easy, More Tasty, More Healthy.

1 kg Rice





**OL DOK I REDI:** Maienduo (wantaim glas) na papa bilong em, Kandam (lephan) i sanap wantaim narapela wanwok bilong tupela long Kimininga Polis Stesin bihain long patrolim Hagen siti.

# Ol dok bilong Ileksen

**Bustin Anzu, long Mt Hagen, i raitim**

LONG namba wan taim, polis bai yusim polis dok long helpim ol long ronim dispela 2012 Nesenel Ileksen, Polis Komisina Tom Kulunga i tok.

Em i tok ol bai yusim ol dok long helpim ol long ol ples we i hot na ting olsem sampela hevi bai kamap long en.

“Long namba wan taim, polis dok bai helpim mipela polis long mekim wok bilong sekyuriti. Ol dispela dok bai stap long Hailans na mekim wok wantaim ol polisman,” em i mekim dispela tok long Maunten Hagen long las wik Fraide taim ol i lonsim dispela oporesen bilong ileksen.

Namba tu bos bilong dok long kantri, Sif Inspekta Elisa Tanele i tok ol i bringim 9-pela dok i go antap long Hailans long mekim wok.

Sikspela dok em ol jeneral pepes dok, na tupela em i gat narapela wok.

Wanpela long sekim ol drag o spak brus na ol kain samting olsem, na narapela em long sekim ol gan, katres bilong gan na ol kain

samting olsem.

“Mipela i kisim 9-pela dok i go long Hailans na nau ol i stap long Hagen na bai raun long olgeta hap insait long Hailans long taim bilong ileksen. Ol dispela dok bai stap long ol ples we mipela i ting bai kamapim sampela hevi,” em i tokim *Wantok Niuspepa* long Mt Hagen.

Em i tok ol dispela dok em ol i tren gut na gat save long kontrolim ol manmeri long pablik ples.

Wanpela long ol kain dok em Maienduo, husat i gat 6-pela krismas.

Dispela dok em mama karim em long Brisben, Australia tasol kisim trening long Bomana Polis Koles na bai wok long Nesenel Ileksen long Hailans.

Papa bilong dok, Sinia Konstabel Wass Kandam i tok dispela dok bilong em i wanpela gutpela dok, husat i save harim tok gut tru.


Em i tok em i bin i gat wanpela dok bipo tu tasol ol man i bin kilim em long Hela Provins na em i bin dai long kisim bagarap. Dispela em namba tu dok em i kisim na lainim em.

Em i tok ol dok i stap gut na kaikai gut na redi long wok.

# USE YOUR KUNDUCARD

For more chances to win

## ONE MILLION KINA



[www.bsp.com.pg](http://www.bsp.com.pg)

Find Us On



**Niupela Maggi MagicTeist**  
Wanpela kain kuking pauda

**Bai givim BEST teist long kainkain kuk**



# Wok kempen long ARB go gut

**Veronica Hatutasi i raitim**

WOK Kempen long Otonomes Rijen bilong Bogenvil (ARB) i wok long go gut tasol, ol ripot i kam long Buka, i tok.

Ripot i tok i nogat meknais i kamap, tasol wanpela kain stail o senis we i wok long kamap em, wanpela bai tokim narapela man long givim vot long dispela kendidet. Pastaim, ol man i save stap isi tasol.

Tasol ripot i tok tingting na save i stap long wan wan man long givim vot long husat em i laikim long en.

Ripot i tok long Bogenvil Rijinel sit we 13-pela pipel em wanpela i meri, i resis long en, wanpela strongpela kendidet planti lain i lukluk long en em Joe Lera.

Mista Lera i bin wok long planti yia olsem Dairekta bilong Yunivesiti Senta long Buka na bihain, em bin wok long Bogenvil Edministresen olsem Komisina bilong Saut Bogenvil Rijen. Nau em i wok

wantaim PNG LNG long Hides, Sauten Hailans.

"Mista Lera i bin mekim planti gutpela wok long Bogenvil na em i gat bikpela ekspiriens na save long ol samting long hap. Planti lain i lukluk long em long Bogenvil Rijinel sit," wanpela man long Buka husat i no laik bai nem bilong em i kamap long niuspepa i tok.

Pastaim memba long Saut Bogenvil long planti yia, Michael Laimo, i sanap resis long sia gen.

Steven Pirika Kamma i holim sia long dispela taim bihain long em i bin winim sia long bai ileksen. Dispela em bihain Kot ov Disputet Ritens i bin kisim komplem i go long kot bihainim komplem we Mista Kamma i bin putim agensim Mista Laimo taim Laimo i bin winim em long liklik mak tasol. Na tai mol i kaurim gen ol vot, ol bin painimaut olsem Mista Kamma i win.

14-pela man tasol na nogat meri i ron long resis long sia bilong Saut Bogenvil.



BIKPELA HALIVIM...Australia na Nu Silan i givim moa halivim long Ilektoral Komisin long karimaut dispela ileksen gut.

Dispela 4-pela Blek Hok (Black Hawk) Helikopta bilong Royal Australian Ea Fos (RAAF) i kam aste apinun long Australia na pundaun long Jackson's Ples Balus, Mosbi. 7-pela moa helikopta (4-pela Blek Hok na 3-pela UH-1), 4-pela fiks wing balus (2-pela C-130 Hercules, na 2-pela King Air B-350's), na wanpela C-17 bai karim ol samting i go i kam long kantri. Moa long 250 Australia na Nu Silan ami bai halivim Ilektoral Komisin karim i go kam ol lojistiks long ol 7, 000 poling ples insait long kantri, i no bilong mekim sekyuriti wok. *Poto: Captain William Heck, Australian Army Media Opisa*

# Saonu resis long sapatim ol liklik manmeri

**Paulus Tali i raitim**

BIPO memba bilong Kabwum, Ginson Saonu, nau i resis long Morobe Rijenal, na em i bilip em i ken pulim bilip bilong ol liklik manmeri.

Em i sanap aninit long Pipels Nesanel Kongres (PNC) pati bilong Prais Minista Peter O'Neill, na i tok em i laikim gutpela wok-bung namel long ol manmeri long komyuniti, hauslain, na ol setelmen tu.

Mista Saonu i tokim *Wantok Niuspepa* olsem dispela yia, em i sanap resis long sapat bilong ol liklik manmeri, na tu, bikos em i kisim moa sapat long ol pipel bilong Kabwum, na long Finsafen, Tewai Siassi, na ol arapela distrik long provins.

Saonu, em bipo wanpela tisa long Makam Veli Hai Skul, Bumayong, na Siassi. Long taim em i bin memba bilong Kabwum, Saonu i bin kisim bikpela luksave long wok em i

kamapim wantaim Luteran sios, na bin winim luksave bilong pipel, olsem wanpela man husat i save tru long pen, na hevi bilong ol liklik manmeri.

Nau, ol astingting em i sanap na bihainim, em fri edukesen long praimer na sekonderi skul, strongim helt sevis, kamapim gut ol infrastraksa olsem ol rot na bris long ol rurel eria, strongim loa na oda, na strongim ekonomi bilong provins.



**SAPOTA:** Ol sapat bilong Morobe Rijenal Kendidet, Ginson Saonu, i soim sapat bilong ol long em i holim bilip bilong ol liklik manmeri. *Poto: Paulus Tali*



"Collecting Taxes to help build PNG"

## TAX AMNESTY ON ADDITIONAL TAX FOR LATE PAYMENT

The Papua New Guinea Internal Revenue Commission (IRC) wishes to advise all taxpayers now that an **amnesty** is in place for full remission of any Additional Tax for **LATE PAYMENT**, if the actual tax assessed is **FULLY PAID** by 31st July, 2012.

The **AMNESTY** applies to: **Personal Income Tax, Company Income Tax, Salary & Wages Tax, Business Payment Tax, Goods and Services Tax and Training Levy.**

Please contact any of the following named officers for further details:

Name	Telephone	Email
Mr. Dollacruise Augustine	322 6689	augustined@irc.gov.pg
Mr. Gedisa Basai	322 6666	basaig@irc.gov.pg
Mr. Henao Guria	322 6785	guriah@irc.gov.pg
Mrs Martha Tavi	322 6672	tavim@irc.gov.pg
Mr. Geoffrey Hanasbey	322 6680	hanasbey@irc.gov.pg

For more information on any other tax matters, taxpayers can visit your nearest tax office in your provincial centers or can access IRC's website:

[www.irc.gov.pg](http://www.irc.gov.pg)

Authorized by Ms Betty Palaso, OBE  
Commissioner General

Papua New Guinea Internal Revenue Commission

# Taravaru askim Bogenvil long skruim stap isi na luksave pasin ..Bogenvil i redi long vot

**Veronica Hatutasi i raitim**

ASKIM i go long ol pipel bilong Bogenvil long skruim pasin bilong stap isi na nogat meknais i wok long kamap nau, na tu, pasin bilong rispektim narapela, i go long taim bilong vot.

Ileksen Menesa na Ritening Opisa long Otonomos Rijen bilong Bogenvil (ARB), Reitama Taravaru, i tok olsem taim em i tok amamas long

gutpela stap isi pasin i kamap long taim bilong kempen long olgeta hap bilong Bogenvil.

"Mi laik autim tok amamas bilong mi long ol pipel bilong Bogenvil long gutpela stap isi pasin i stap nau na mi askim yupela long lukim olsem dispela pasin na pasin bilong rispektim wanpela narapela i mas stap," Mista Taravaru, i tok.

Mista Taravaru i tok Bogenvil i redi tasol long go hetim wok bilong karimaut vot

o ol man i givim vot o namba long ol kendidet husat ol i ting bai kamap lida na makim maus bilong ol long haus Palamen long 5-pela yia i kam.

Kantri bai statim wok bilong vot long dispela wiken Sarere Jun 23 na skruim wok insait long tupela wik inap long Fraide Julai 6 taim olgeta wok i pinis.

Bihain long wok kaunim bai kisim tupela wik, ol bai givim bek long rit (writ) pepa i kam

bek long opis bilong Gavana Jenerel long Mosbi long Fraide, Julai 27, 2012.

Sampela provins olsem 7-pela long Hailans Rijen na Nesenel Kapitel Distrik, ol bai karimaut vot long wanpela de tasol long abrusim ol kain trabel na hevi.

Long Bogenvil, wok bilong vot bai stat long neks wik Mande, Jun 25 we 144,000 manmeri inap long vot (eligible voters) bai makim ol lida bilong ol long ol wan wan ilek-

toret bilong ol. Taim bilong vot bai kisim namel long 10 na 14-pela de.

Samting olsem 181 tim i gat long em 942 opisa husat bai karimaut ol wok bilong vot na ol keria i karim ol samting bilong yusim long vot i sambai redi i stap long go long ol ples we ol bai wok long en.

Mista Taravaru i amamas tu long ol wok bilong redi long ileksen na vot i ron gut long Panguna na ol eria we i kam aninit long lukaut bilong ol

Me'ekamui.

"Long taim bilong karimaut ol wok awenes, mipela i bin tokim ol olsem sapos ol i laikim lida i kam long hap bilong ol, i moabeta long planti manmeri i vot. Na i moabeta ol i larim ples i op na ileksen bai ron long ol ples bilong ol. Ol Me'ekamui i gat ol kendidet bilong ol na olsem, ol i stap gut na go insait long ol wok bilong ileksen, na larim ol wok i ron gut," Mista Taravaru, i tok.

## Wok kempen long ARB go gut

### ...K2 milian long ranim 2012 ileksen

**Veronica Hatutasi i raitim**

WOK long karimaut 2012 nesenel ileksen long Bogenvil bai kostim K2 milian, Ileksen menesa na Ritening Opisa bilong ileksen long Otonomos Rijen bilong Bogenvil (ARB), Reitama Taravaru, i tok.

Opis bilong em i bin askim long mak i go antap liklik, tasol Palamen i bin katim manimak i go daun long 20 pesen. Olsem na ol i skelim stret ol mak i go long ol wan wan ilektoret, na mak bilong ol woklain long lukim olsem wantaim dispela manimak, ol bai kamapim ol wok.

"Bogenvil i ranim dispela baset long K2 milian. Palamen i bin katim mak i go daun long 20 pesen we i mekim mipela i katim daun manimak i go long ol wok long ol wan wan ilektoret na distrik.

"Mipela i katim daun mak bilong ol de na ol tim memba bai go aut na wok long ol wan wan ilektoret na ol distrik.

"Mipela i operet long tait baset stret," Mista Taravaru, i tok.

Mista Taravaru i tok amamas long helpim we C130 ami balus bilong Australia i mekim long karim ol ileksen metiriel i go long Buka long las wik. Na ol i tilim pinis i go aut long 13-pela distrik

"Long redi long taim bi-

long vot, las wiken mipela i kisim ol metiriel olsem ol balot bokis, ol steseneri, ol trening metiriel na ol narapela samting bai helpim long karimaut gutpela ileksen i go aut long 13-pela distrik. Konsot Siping i bin karim tupela kontena i kam taim C130 ami balus bilong Australia i karim planti ol narapela hevi samting i go long ailan.

"Long las wik, ol Asisten Ritening opisa i karimaut trening long ol wan wan ilektoret long ol lain bai mekim wok long taim bilong vot.

Mista Taravaru i tok em i amamas olsem insait long 5-pela wik we ol wok kempen i kamap, nogat meknais o hevi i kamap long olgeta hap bilong Bogenvil.

Long helpim wantaim wok bilong karimaut vot long ol liklik atol ailan bilong Bogenvil, wanpela sata sip i bin lusim Mosbi aste na em bai go kamap long Buka tumora, Fraide. Na em bai kisim ol woklain na lusim Buka wantaim ol steseneri, ol balot bokis na ol narapela samting bilong yusim long taim bilong vot long dispela wiken, Sande.

Long wankain taim, long Bogenvil Rijenel sia we 13-pela pipel em wanpela i meri i resis long en, wanpela strongpela kendidet planti lain i lukluk long en em, Joe Lera.

Mista Lera i bin wok long planti yia olsem Dairekta

bilong Yunivesiti Senta long Buka na bihain, em bin wok long Bogenvil Edministresen olsem Komisina bilong Saut Bogenvil Rijen. Nau em i wok wantaim PNG LNG long Hides, Sauten Hailans.

"Mista Lera i bin mekim planti gutpela wok long Bogenvil na em i gat bikpela ekspiriens na save long ol samting long hap. Planti lain i lukluk long em long Bogenvil Rijenel sit," wanpela man long Buka husat i no laik bai nem bilong em i kamap long niuspepa i tok.

Pastaim memba long Saut Bogenvil long planti yia, Michael Laimo, i sanap resis long sia gen.

Steven Pirika Kamma i holim sia long dispela taim bihain long em i bin winim sia long bihain Kot ov Disputet Ritens i bin kisim komplek i go long kot. Dispela i bihainim komplek we Mista Kamma i bin putim agensim Mista Laimo, taim Laimo i bin winim em long liklik mak tasol. Na taim ol i kaunim gen ol vot, ol bin painimaut olsem Mista Kamma i win.

14-pela man tasol na nogat meri i ron long resis long sia bilong Saut Bogenvil.

Sampela ol narapela nem i resis long Saut Bogenvil sia em long Patrick Heromate, Peter Tengka, Joe Parum, Patrick Kaile na ol narapela moa.

## Noken givim vot long ol lida i stap insait long SABL

OGENAISESEN i save toktok na karimaut ol kempen long lukautim envaironmen na rait bilong pipel long bus na graun i singaut long pipel bilong PNG long tingting na makim ol gutpela lida.

Grinpis Fores kempena, Sam Moko, i singaut long ol pipel bilong PNG longgivism

vot i go long ol lida husat bai pait long ol kastomeri len rait na ol naturel risos bilong ol. Na noken givim vot long ol lida husat i stap insait long Spesel Agrikalsa Bisnis Lis (SABL) we i givim ol forena o ausait lain rait long yusim graun long 99 yia we sampela politisen i sapotim.

Mista Moko i tok pipel i noken mas votim ol lida husat i gat narapela kain tingting i no gutpela na ol i wok wantaim ol foren kampani husat i laik bagarapim ol bus graun na ol sosel sistem bilong PNG, na kisim tasol ol profit o winmani long ol bikpela naturel risos bilong dispela kantri.



**REDI:** Ol mama, pikinini na ol man I putim naispela bilas na redi long putim kamap tumbuna singsing na danis long Otonomos Bogenvil de we ol I selebretim namba 7 anivesari long gavman bilong ABG. Selebresen I bin kamap long Bisini Netbol graun long Boroko, **NCD. Foto: Akinori Ito, Edukesen EQUITYV**

# Raun Lukim ol Meri na Pikinini:



**AMAMASIM ABG DE:** Planti tausen manmeri na ol pikinini bilong Bogenvil i save stap skul na wok long Mosbi na sampela ol poroman bilong ol i bin gat gutpela de stret long las wiken Sarere taim ol bin selebretim namba 7 yia bilong Otonomes Bogenvil Gavman (ABG) De. Sofbal Bisini Fil i bin pulap kapsait na long amamasim de, i bin gat ol progrem we ol wan wan grup i bin putim kamap ol tumbuna singsing na danis, resis long Mista na Mis Bogenvil na ol laip ben. ABG Presiden, John Momis na Konsula Jenerel bilong PNG long Brisben, Paul Nerau, i bin tupela long ol bikman i stap na selebret wantaim ol Bogenvil komyuniti long Mosbi we i stap namel long 6 na 7,000 mak.

# Lida mas gat stretpela pasin na mekim gut wok

WANPELA eks tisa meri na pablik sevan i wanpela long ol 136 meri kendidet i ron long 2012 nesanel ileksen long helpim pipel bilong em. Amoa Ruth Lausie, bilong Galp provins, i sanap olsem wanpela indipenden kendidet long resis long Kikori Open sit we nau memba, Mark Maipakai, i holim i stap. Em bin tisa long 14 yia insait long ol Seven De Etventis skul na long 1994, em bin go insait long pablik sevis na pinis long peirol long 2010.

Em i namba wan taim bilong Mis Lausie long sanap resis long ileksen na ol meri Ihu yet i strongim em long sanap na ron long resis wantaim 70 pipel we 6-pela em ol meri.

Mis Lausie i tok Ihu Distrik i no lukim gutpela divelopmen na tu, i no kisim wanpela gutpela samting taim PNG LNG paiplain i go olsem long Kikori, bikpela samting em i lukluk long mekim sapos em i win em long skelim gut dispela K10 milian Distrik Sevis Impuvmen Progrem (DSIP) fan grenmani long kamapim ol wok na divelopmen long ol wan wan distrik.

Bikos em i wanpela lotu meri, em i lukluk long helpim bilong Bikman long karimaut ol wok husat i save olsem em i mekim dispela long pipel bilong em, Na i no long kisim biknem o kamap ris.

Mis Lausie i tok lida i mas gat stretpela pasin (honest), hatwok na pas long wok long givim sevis long pipel em ol samting g we manmeri i wok wantaim God i mas gat.

Em i tok yumi olgeta i sin manmeri, tasol sapos yumi wok wantaim Bikman, yumi ken mekim ol samting stret.

Kempen het tok bilong en em, Wantaim God, yumi ken kamapim senis."


# I have the Power to choose a good leader!



# Your poor decisions in voting, will affect your future



## Save i Ken Helpim



Lavender Flawa



Orange Jessamine Flawa

### Flawa Toktok

OL FLAWA i save mekim manmeri i amamas wantaim gutpela na naispela lukluk na naispela smel bilong ol. Sapos yumi sindaun na tingim, man i save nidim flawa long olgeta hap we i gat ol bung bilong selebret, amamas, lotu, sori taim bilong man i dai na moa.

Sampela long ol flawa i gat ol naispela smel em, gardenia i save gat ol waitpela dabel flawa bai mekim ples i smel switpela. Yu ken katim na planim gardenia flawa.

Narapela flawa i gat naispela smel em long Lavender. Sampela bilong ol em ol i save yusim long wokim pefum long en. Em isi long groim dispela flawana ol bai kamap gut long ples i gat san. Flawa bilong lavender i save stap longpela taim. Yu ken draim ol flawa na putim insait long haus long givim naispela smel long rum. Murraya Paniculata o Orange Jessamine em i narapela gutpela plent we i save groa olsem 2 mita i go antap na em i save katim ol planti grinpela lip. Tasol taim em i karim ol waitpela flawa, em no save isi. Em save karim planti flawa na smel bilong em i naispela stret, olsem smel bilong Jasmine flawa. Em i gutpela long gat dispela flawa long flawa gaden bikos em bai givim gutpela gutpela smel. Em save groa gut long wom (o i no hot na kol tasol i stap long namel) klaimet na em save laikim planti wara na ol pipia olsem kaikai long kamap gut.



PNG Electoral Support Program



Yut, Meri na Famili wantaim Lorraine Siraba

# Lukaut long ol promis nating bilong ileksen taim

TAIM bilong kempen i stat pinis na yumi gat moa long 3,000 kendidet i sanap resis long go insait long Haus Palamen. i gat planti kendidet i sanap i kam long ol wan wan bekgraun na ol kain kain as tingting bilong ol long sanap na kamap politisen. Kwaliti bilong ol lida yumi gat long Palamen bai kam bek long yumi ol vota na husat yumi votim long ol wik i kam.

Long dispela kempein taim, yumi mas lukaut gut long ol mauswara lain husat i laik kisim vot na ol bai wokim ol mauswara promis nating na bihain, ol bai no inapim. Wanpela long ol dispela promis i no save karim kaikai em ol kendidet i sanap long ileksen i wokim long ol kempein toktok bilong ol em, kisim wara saplai i go long ol setelmen. Yumi olgeta i save olsem ol setelmen lain i sindaun long graun bilong stet na ol kastomeri papagraun na dispela i no stret. Em i brukim loa. Na bai yu kisim wara saplai i go long ol lain i brukim loa long stap long stet na kastomeri graun olsem wanem? Ol dispela pipel long ol setelmen i save baim wara bil olsem ol narapela manmeri i stap long taun? Yumi mas luk-save olsem ol setelmen i sindaun long graun bilong narapela lain na ol i no hap bilong plen bilong taun. Na ol kendidet i mas skelim gut ol toktok pastaim ol i mekim kain promis bilong kisim wara saplai o rot i go long ol setelmen long taim bilong ileksen.

Wanpela bikpela samting we nupela gavman i mas luksave long en na wokim samting long edresim em loan a oda long kantri i wok long go nogut. Ol bikpela taun olsem Nesenel kapitel Distrik, Lae, Hagen na Goroka i pulap long ol stil lain i save pulim ol bilum na bek long ol manmeri na moa yet, ol meri. Dispela i mekim na i stopim ol meri long mekim ol wok gut na helpim developmen bilong kantri long sait bilong wok mani. Long wankain taim, raskol pasin i save kamap bikpela na moa yet, taim ol polis i bungim hevi long trenspot bilong raun mekim wok bilong ol long daunim ol loa na oda hevi.

Hevi long loa na oda i save bagarapim groa na developmen bilong kantri, moa yet long sait bilong ikonomi na ol wok bisnis. Olsem na moa lukluk i mas go long long ol eria we i kamapim ol loan a oda hevi. E ol eria olsem planti pipel i wok long lusim ples na kam stap long taun na populesen long taun i groa bikpela hariap na i kamapim sot long ol haus bilong stap long en, planti lain i nogat wok i stap nating, pasin turangu i wok long go bikpela, planti liklik manki i wokim stil na bikhet pasin na hevi long sait bilogn helt, populesen i groa hariap tru na prais bilong ol kaikai samting i go antap tru. Ol dispela sosel na eben hevi i bihainim groa bilong ikonomi na ol i no stap tasol long dispela tupela eria, nogat. Tasol long ol bikpela plen bilong stopim ol bikpela birua long kamap.

Stretim loa na oda hevi na stap na sindaun gut i kamap em samting ol foren investa, ol lokol bisnis haus na turisim indastri i laikim i mas stap na nupela gavman bai ka map bihain long ileksen i mas givim prairiti o bikpela lukluk long en. Ol samting i kamap taim loan a oda i nogut em korapsen, ol loa i no gutpela, nogat gutpela gavanens na bikpela samting moa em politiks long kantri i mas ron gut. Na kantri bilong yumi i mas ron gut. Kamapim gut sefti na sekyuriti i kamapim gutpela environmen o ples we ol bisnis i ron gut, turisim indastri i groa na kwaliti long laip bilong pipel bai go gut.



LAIKIM BUBU: Ol bubu i bikpela samting insait long famili. Dispela tupela kasen long Aua Ailan i soim bikpela laik long bubu meri bilong ol na ol i holim pas sanap wantaim em i stap. **Poto: Sandra Amuru**



## PNG SUSTAINABLE DEVELOPMENT PROGRAM LTD



### Wanpela Bikbus insait long Siti

Mipela nogat sans long stap isi wantaim busgraun long siti. I gat kain kain gutpela flaua i stap insait long wanwan haus na banis gaden bilong ol manmeri, na long ol flaua stua, na tu long sampela ol pablik ples we ol atist manmeri bilong landskep disain i kamapim. Tasol long lukim magani i kalap, o ol arapela kain wailaip, bai yu mas lusim siti na go aut.

Tasol i gat wanpela hap we i bungim dispela salens long givim kain kain bus na wailaip bilong ol lain manmeri long siti long lukim na hamamasim. Hamas long yupela i save olsem moa long 30-pela krismas, dispela ples i stap olsem wanpela botanikel gaden na sulojikal pak?

Em i stap long namel long Pot Mosbi, na nupela nem bilong en em Pot Mosbi Nature Park. Ol i bin lonsim long Jun 15, 2012. Bipo, nem bilong dispela ples em Nesenel Kapitel Distrik Botanikel Gaden nau Pot Mosbi Netsa Pak bai strongim wok promosen, stadim o glasim, na skulim long ol bus na wailaip bilong PNG.

Long dispela wanpela de yet, ol i bin lonsim 'Renfores Ritrit' we PNGSDP i givim mani long kamapim, insait long wanpela wok bung wantaim wantaim Nesenel Kapitel Distrik Komisen (NCDC). Bod bilong PNGSDP i bin tok oreitim K 153,340 long Septemba, 2011 long sapatim pinisim bilong wanpela renfores bodwok na bildim bilong ol banis bilong muruk, ol skul haus na ol arapela kain sain i stap insait long dispela wanpela bikpela lain bus insait long Pot Mosbi Netsa Pak. NCDC i sapatim dispela wok wantaim K 200,000.

Mi wokabout bihainim dispela bodwok i ron namel long bus wantaim 15-pela arapela manmeri, na mi ai-op tru long olgeta samting bilong bikbus i stap. Wanpela samting mi no bin save, em dispela pak, i gat wanwan long olgeta tripela kain muruk i stap long wol. Mi tingting olsem moa PNG manmeri na ol turis bilong ol arapela ples i mas kam na lukim dispela kain ples na kisim moa save, wankain olsem mipela kisim long dispela de.

PNGSDP i bin lukluk moa long dispela Dories tri kengarau, dwof kasowari, sauten kasowari longpela maus ekidna, sot-maus ekidna, grei dorocopsis wolabi, ejail wolabi na ol olive paiton snek we olgeta i save stap insait long Westen Provins.

Ausait long PNG, i nogat moa Doria's Tri Kengarau i stap laip long wanpela banis. Olsem na PNGSDP i sapatim opim bilong wanpela tri kengarau banis we ol bai givim long mekim wok risets long Doria Tri Kengarau na tu long Matchies Tri Kengarau. Ol dispela em tupela long siksipela spisis tri kengarau i stap long PNG. Pot Mosbi Netsa Pak i holim bikpela wok long promotim olgeta spisis bilong wailaip i kam stap long lukaut bilong ol long wok risets, awenes long pablik, na long kamapim ol program we bai promotim wok lukautim bilong dispela spisis.

Groa long nambe bilong ol skul sumatin long mak 2,000 i go long 10,000 we i save raun i go long eria long 2012 em i gutpela samting long autim save i go long ol PNG pikinini, long stori bilong ol tumbuna busples bilong PNG, na tu long wok ol i gat long lukautim bilong bihain taim.

Wankain tasol, dispela i makim tu bikpela wok PNGSDP i gat long promotim sastenabol developmen we i napim nau na bihain jeneresen bilong Westen Provins na Papua Niugini. Menesim konsavesen wantaim developmen, em i no isi wok, tasol wanpela wok we i nidim lukluk na strong bilong PNGSDP insait long olgeta wok developmen bilong en long strongim busgraun na wara i kamap bikpela wok samting.

Olsem wanpela gutpela papa bilong ol PNG pikinini, na wanpela man husat i wok long bungim ol bikpela developmen salens bilong ol pikinini bilong PNG, mi amamas long bikpela wok liklik invesmen bilong PNGSDP i kamapim long Nature Park. Mi bai amamas moa yet taim mi save olsem ol Westen Provins pikinini i ken i gat sans long lukim na ai-op long ol bikpela presen ol i gat, taim olgeta i luksave olsem ol dispela pisin na enimal em i presen i go long ol, na long wol.

Ol bikpela piksa long ol gutpela samting ol tumbuna bilong ol i askim ol long lukautim, na lainim long ol long banisim bilong ol lain i kam bihain.

I kam long tebol bilong CEO (Article #22 of 2012)



CEO: David Sode



# EQUITV givim gutpela helpim long edukesen ...Namba tu hap bai go het

**Veronica Hatutasi i raitim**

YUSIM Televisen long kisim ol edukesen program i go long ol sumatin na moa yet, long ol rurel skul, i wok helpim gut ol sumatin na ol tisa long skruim save na tu, moa sumatin i wok long stap na skul.

Long wankain taim tu, gavman bilong PNG i mas sapotim EQUITV program we Edukesen Dipatmen i wok patna wantaim gavman bilong Japan aninit long Japan Intanesenel Koporesen Koporesen (JICA) long kamapim gut kwaliti bilong edukesen long PNG na tu, moa pikinini i go long skul na kisim save.

Ol dispela samting i kamap long ples klia insait long namba wan Join Kodineting Komiti Miting bilong EQUITV Phase 2 o namba tu hap we ol bikman long Edukesen Dipatmen, JICA na Nesenel Plening na Implimentesen Dipatmen i bin sindaun long en long Mosbi long las wik Fraide.

Bihainim miting o bung bilong ol, ol bin tok oraitim ol ripot na Phase 2 o namba tu hap bilong EQUITV Projek long PNG bai go het nau.

EQUITV i wanpela teknikel projek we JICA i bin wok bung wantaim PNG Edukesen Dipatmen na kirapim long PNG long yia 2002. As tingting em long helpim Edukesen Dipatmen long kamapim gut kwaliti bilong edukesen na moa yet, long sait bilong ol tisa long skulim ol pikinini na ol skul pikinini i kisim lainim long besik edukesen aninit long distens lening.

Aninit long dispela nambawan hap o Phase 1, Bogenvil na Is Sepik i bin kamap olsem ol pailot projek provins we ol i traime projek long yusim televisen long brokastim ol lesen i go long sampela skul na i wok gut tru.

Tupela projek we Phase 1 EQUITV i bin kasmapi na strongim em long Disten Edukesen i yusim

ol Liav Rekot Brokastim na Enhansing Kwaliti long Tising aninit long ol TV Program olsem teknikel sapot projek. Ripot long Fraide bung i autim olsem "yusim ol TV program insait long klasrum i kamapim gut kwaliti tising long ol tisa na lainim long ol sumatin."

"Bihainim ol gutpela samting i kamap, Dipatmen bilong

Edukesen i bin kamapim EQUITV program long skruim ol EQUITV program ektiviti i bin kamap long 2009.

"Dispela (EQUITV) program em i wanpela bikpela samting i helpim long inapim gol bilong Yunivesel Besik Edukesen (UBE)," ripot i tok.

EQUITV projek nau i stap long 5-pela provins we ol i kolim ol long "Risos Provins" na em long Bogenvil, Is Sepik, Nesenel Kapitel Distrik, Sentrel. Ol taget provins long ol wan wan rijen we i kisim helpim long projek em Is na Wes Nu Briten, Nu Ailan na Manus long Niugini Ailan, Morobe, Madang na Sandaun long Momase, projek long NCD na Sentrel i sapotim Sauten rijen na dispela long Westen Hailans i sapotim Hailans rijen.

Namba tu hap o Phase 2 we i stat nau na bai go het inap long 2015 bai yusim moa long K10 milian.

Siaman bilong Staring Komiti bilong EQUITV, Dokta Eliakim Apelis, i tok projek (EQUITV) em wanpela projek tasol i kamapim gutpela samting long ol provins long sait bilong komyuniti patnasip, kon-

trolim loa na oda na kamapim gut ol akademik risal bilong ol sumatin.

Deputi Siaman, Walipe Winge i bin sapotim toktok bilong Dokta Apelis na skruim tok i go moa na tok rot long lukim olsem projek bai go het yet em long kisim ektiviti i go long ol tisa kolis we ol tisa i ken kisim trening long karimaut wok bilong EQUITV program.

Na em i sutim tok amamas long JICA bai helpim ol tisa kolis long dispela eria.

Taim bung i amamas long projek, sampela samting hevi we ol i laikim bai ol atoriti i mas edresim em, nogat kauntapat o kontribusen fanding i kam long Edukesen Dipatmen, Midia senta na ol woking komiti i gat planti woklain tumas.

Bung i bin tok ol lain dipatmen na ol gavman ejensi i mas sapotim EQUITV program bikos dispela projek i bilong PNG na pipel bilong em.

Supa o bikpela gol o as tingting bilong Phase 2 EQUITV em long lukim olsem kwaliti tising insait long klasrum i kamap moa gut long ol praimeri skul long PNG. Ovarol gol em lol skul long kantri i yusim ol EQUITV program.

## Parkop givim helpim long KilaKila klinik

KILAKILA Helt Senta insait long Nesenel Kapitel Distrik bai op yet na skruim wok long sevim pipel na tok tenkyu i go long NCD Gavana, Powes Parkop, husat i givim helpim long K50,00 manimak.

Foskwea Sios i ranim KilaKila klinik moa long las 15 yias nau na sevim planti pipel long siti na tu, sampela i kam olsem long Galp provins.

Klinik i laik pas long wanem, i nogat mani long karimaut ol wok operesen.

NCD Helt Sevis medikel opisa, Louisa Kidu husat i lukautim ol helt sevis long Mosbi Saut, i tok amamas long Gavana Parkop long helpim em i givim we bai lukim klinik i skruim wok inap long pinis bilong dispela yia.

Dokta Kidu i tok Foskwea Sios i save menesim Kaugere na

KilaKila klinik tasol bikos mani i sot, sios i laik pasim KilaKila klinik. Nau bai nogat bikos long K50,000 helpim bilong Gavana Parkop.

Long makim Foskwea Sios, Sinia Pasto Rodney Tomuriesa i bin tok tenkyu long Gavana Parkop long givim donesen bai helpim planti pipel long siti na ol dispela i save kam olgeta long Galp provins tu.

Em i tok KilaKila na Kaugere Klinik i no bin kisim helpim mani i kam long gavman bihain long Foskwea Sios i opim ol bek inap long dispela yia taim NCD Helt Sevis i stat long baim ol woklain bilong ol.

Em i tok dispela em i namba tu hap helpim we Gavana Parkop i givim na em i amamas na givim luksave long gutpela helpim bilong em.



**HELPIM BAI KLINIK STAP OP:** NCD Gavana, Powes Parkop wantaim ol wok manmeri bilong KilaKila klinik bihain em i givim K50,000 sek mani helpim long ol. **Poto: NCD Midia**



**SIA PROGRAM:** OIC bilong Ileg helt senta, Ivan Warambukia wantaim tim bilong en long Basamuk long taim bilong Spesel Imunaisesen Ektiviti o SIA program patrol. **Poto: James Kila**

**Toksori long yusim rong poto wantaim Basamik SIA stori long las wik. 1.** OIC bilong Ileg helt senta, Ivan Warambukia wantaim tim bilong en long Basamuk long taim bilong SIA patrol. **Poto: James Kila**



**SELEBRESEN I KAM GUT WANTAIM RAIT ROUS PIK:** Ol bikman long Edukesen Dipatmen na JICA i pinisim bung na ol i laik selebretim tok orait bilong go hetim namba tu hap bilong EQUITV projek. **Poto: Akinori Ito-EQUITV Projek Iida**

# Ol Kristen kisim salens long pre strong

SINGAUT i go long olgeta sios na Kristen manmeri long sanap wantaim na prei strong long dispela 2012 nesenel ileksen i ken ron gut.

PNG Kaunsel bilong Sios (PNGCC) i makim maus bilong ol sios long kantri i wokim dispela singaut.

Siaman bilong PNGCC, Pater Danny Guka, i tok PNG i gat bikpela blesing wantaim ol planti gutpela samting long bus, graun na solwara na yumi mas pre, putim han na tingting wantaim long God i ken givim yumi gutpela tingting long makim ol gutpela lida.

Pater Guka i tok tru,

planti samting i laik bagarapim na tanim tingting bilong yumi long go agensim velyu bilong kalsa bilong yumi, Gospel bilong Jisas em Sevia na masta bilong yumi.

Em i tok olsem ol Kristen, yumi mas lukim ol samting i kamap long sait bilong politiks long laspela 10-pela mun long ai bilong bilip.

"Yumi mas lukim dispela olsem salens bai kamapim groa na senis long gutpela bilong kantri. Em i rot we God bilong yumi i tokim yumi olsem wantaim em, olgeta samting i ken kamap. Em i no lusim yumi, tasol em i laikim yumi long laikim

em moa yet na tu, laikim ol narapela.

"Olsem nesen, yumi mas wokim sakrifais, tok sori long ol samting i no stret yumi wokim, pogivim ol narapela i wokim rong long yumi o yumi wokim rong long ol na tanim i go long God na hiling i ken kamap. Na PNG i ken lukim nupela stat," Pater Guka i tok.

Em i tok preai tasol bai rausim olgeta samting olsem pretpasin, jeles, mi wan yet tingting na apim yumi yet.

"Yumi mas sanap wantaim wantaim bilip God yet bai stiaim ol kendidet, ol polis na ami, ol llektorel

Komisin na ol narapela stekholda long gutpela ileksen bai fri na nogat trabel.

"God tasol i save tanim tudak i kamap lait, nogut i kamap gutpela, dai i kamap laip, ol i stap long hevi long lukim gutpela taim na pret pasin long gutpela bel we i abrusim olgeta narapela samting.

"Yumi pre na tanim i go long Bikpela long dispela taim planti salens i stap long kantri bilong yumi. Bikos pasin bilong bruk bruk i no bilong God. Yumi mas stap olsem wanpela pipel wantaim wanpela bilip na wanpela bihain taim," Pater Guka i tok.



## Pasto no ken go long ileksen

WOK Pasto em i bikpela wok tru.

Ol manmeri i save mekim kainkain wok bilong dispela graun. Tasol man i mekim wok Pasto na wok evanjelis i save olsem God i bin singautim em long mekim dispela wok.

Jisas i tokim ol dispela, "mi mekim yupela bilong stap ol lain bilong mi. Na mi givim wok bilong yupela bai yupela i ken go na karim kaikai, na bai kaikai bilong yupela i ken i stap gut" Jon 15: 16

Brata na susa, wok Pasto i gat 4-pela bikpela hap bilong em.

Dispela 4-pela hap i olsem; yu mas helpim ol manmeri na pikinini i bilip long Jisas, skulim ol manmeri long tok bilong God na givim stia long wok bilong sios na Gavman. Narapela samting tu em yu mas soim pasin bilong Jisas long ol manmer.

Pasto em i wanpela wokman bilong God, tasol em i no ken ting em wanpela tasol em i wokman bilong God, na ol arapela kristen i samting nating. Nogat!

Yumi olgeta manmeri na pikinini wantaim i stap wokman na wokmeri bilong God. God i givim kain kain presen long ol kristen manmeri bai ol i ken mekim sampela wok bilong God.

God i givim presen long pasto na mekim em wanpela lida insait long Sios bai em i ken helpim ol arapela kristen long mekim wok bilong God.

Pasto em i wanpela lida bilong ol manmeri. Em i no inap mekim olgeta wok bilong Sios, tasol em i givim stia bai olgeta wok bilong Sios i ken kamap gutpela. Pasto, yu em God makim pinis long kamap lida na yu painim wanem samting?

# Sanap yunaitet-Sios Kaunsel

### Kiki Kavana i raitim

PAPUA Niugini i lukim planti hevi i kamap long laspela wanpela ten mun na ol het na eksekutiv memba bilong Papua Niugini Kaunsel ov Sios (PNGCC) i tok dispela em i gutpela lainim.

Siaman bilong Het na Eksekutiv Memba bilong PNGCC, Pater Denny Guka,

i tok dispela hevi na ol samting we i kamap long 10-pela mun PNG i lukim i gat tupela gavman em ol Kristen manmeri mas lukim na ting save olsem wei mipela bilip long God, long wei we ol Kristen manmeri mas lukluk wantaim ai bilong bilip.

"Mipela mas lukluk long dispela laspela 10-pela mun olsem taim bilong salens we em i taim we i ken kamapim

wok kamap long gutpela bilong kantri bilong yumi.

"Em i wei bilong God long skruim tok olsem long Em tasol, olgeta samting i ken kamap. God i no lusim mipela bihain. Em i laikim yumi long laikim Em wantaim olgeta tingting bilong mipela na long laikim wanpela narapela.

Dispela bai givim wei long tanim bel na pogiv, na long

kamapim nupela stat long kantri bilong mipela," Pater Guka i tok.

Pater Guka i salensim olgeta manmeri long kantri long sanap yunait wantaim strongpela bilip long God long helpim long givim stia long olgeta kendidet, ami na polis, na llektorel Komisen na arapela stek holda long karim aut sef, fri and gutpela ileksen.



**MEKIM SAVE:** Ol yut bilong Siassi i mekim save long selebretim tenksgiving de bilong ol. **Poto: Paulus Tali**



**NAISPELA BILUM BILAS:** Ol yangpela meri Kote bilong Benom Peris i soim stail bilong ol. **Poto: Paulus Tali**

# Ol Lutheran yut wokim tenksgiving lotu

### Paulus Tali i raitim

SE IGNEZIUS Stadium long Lae i no long taim i go pinis, i bin lukim ol Lutheran Sios yut i wokim wanpela spesel sios selebren bilong ol.

Ol Lutheran yut bilong Lae siti i bin holim wanpela spesel tenksgiving lotu long Jun 3, 2012 long Se Ignisius Stadium.

Dispela bung i kamap long strongim wok ministri bilong seket long olgeta

progrem bilong Lae Siti Seket.

Ol yangpela bilong Lutheran Sios insait long Lae siti i bin kisim singaut long kamap.

Bung i lukim Sen Pauls Peris, Ridima yut na Kalvari yut tasol i kamap.

Tasol ol narapela Kristen manmeri long Lae Siti i bin kam bung na witnessim dispela de bilong ol yangpela bilong siti.

Hetman bilong ol saplen, Reveren Timothy Luke, i

bin autim Tok bilong God na kirapim ol yut long lukim wanpela mak tasol. Em long lukluk long Jisas na pas wantaim em long bilip tasol. Insait long planti senis i wok long kamap insait long Lae siti na kantri, Pasto Luke i kirapim ol yangplea long sanap wantaim dispela bilip na lukim senis insait long laip bilong ol.

Em i tok, long ai bilong God yumi no inap long hait. "God i save lukluk long

yumi olgeta taim na tu, em i save klinim na lusim sin na ol asua yumi wokim insait long laip bilong yumi," Reveren Luke i tok.

Long pasin bilong givim ofa i go long God, Reveren Luke i tok dispela em i mak yumi soim olsem yumi givim laip bilong yumi i go long God insait long pasin bilong givim.

Long dispela taim, ol yut bilong Siassi insait long Lae siti wantaim St. Pauls Peris yut i kamap wantaim

singsing na danis. I

Ol yut i bin pim flek bilong yut na laitim kendel long soim olsem yut bilong Lutheran i no ken slip tumas.

Yabem Distrik Yut Kodineta, Araba Saia, i bin tok amamas long ol yangpela bilong Lae Siti Seket i soim bikpela laik long kamap long progrem bilong ol.

Wanpela hevi tasol ol bin bungim em, trenspot long kisim ol yut i go na i kam

long stedium, tasol Mista Saia' i bin tokim ol yut long noken wari, tasol save long wanpela narapela na tu, ol i bun bilong sios long bihain taim. Na wanem progrem bilong ol yut i kamap, ol i mas givim bel na kamap.

Em bin tokim ol yut long senis i go long narapela level na kisim Krai Jisas olsem Sevia long laip bilong ol. Na ol bai lukim senis.



# 2012 Ileksen Nius



# Polis holim na sasim Sanangke

## Kendidet gat naispela plen bilong Morobe provins

POLIS long Hagen i holim na sasim wanpela kendidet husat bai ron long Hagen Open ilektoret bikos em i bin holim gan i nogat laisens.

Las wik Trinde, ol polisman i holim Simon Sanangke, na sasim em aninit long seksen 27(1)(b) bilong Firearms Act long em i holim gan i nogat laisens long en, na sasim em gen aninit long 65A(a) bilong Firearms Act long em i bin holim wanpela pistol sot gan.

Simon Sanangke, 42,

bilong Ogelbeng viles, Hagen, Westen Hailans Provins em i pastaim CEO bilong Nesenel Gaming Kontrol Bot (NGCB).

Em i kamaut long K3, 000 beil na inap long sanap long Hagen Distrik Kot las wik Fonde.

Ol polis long Hagen, wantaim halivim bilong ol Polis Mobail Skwat na PNG Difens Fos Ami, husat i bin go stap antap long halivim lilektoral Komisnin long karimaut ol sekyuriti wok bilong dispela ileksen, i bin sekim haus bilong Sanangke long

las wik Tunde moning.

Taim ol i skim haus bilong en, ol i painim wanpela strongpela gan, SLR wantaim megejin i nogat katres, wanpela 29-raun pistol i gat laisens long en, na 50-sot gan raun.

Polis bai mekim ol wok bilong ol long olgeta hap bilong kantri. Ol bai mekim moa sekim na wok painimaut long ol nogut ples long olgeta hap long kantri long mekim ples kamap gut long larim fri, fea na seif Ileksen 2012.

Tasol ol ripot i tok

Sanangke i no wanbel long polis na ami sekim haus bilong en tasol. Em i tok em i no wanpela stilman o raskol long ol polis na ami bai sekim haus bilong en tasol.

Em i singautim ol polisman long Hagen long askim Polis Komisina Tom Kulunga na Join Operesens Komanda, Lt-Col Ezekia Wenzel long mekim wanpela wok panimaut i go insait long painim as tru ol polis na ami i sekim haus bilong en namba tu taim gen.

WANPELA rijenal kendidet long Morobe i tokaut olsem wanpela rot long lukim ol bikpela senis na developmen i kamap long Morobe provins em long kamapim wanpela atoriti bilong go pas long olgeta bikpela sevis na developmen long olgeta 10-pela distrik na ol lokal level gavman (LLG).

Morobe rijenal kendidet Robin Yalambing, wanpela bikpela saveman bilong wok enjinia i tokaut olsem planti distrik long Morobe provins i nogat gutpela rot na ples balus na mani bilong kamapim wok i no save inap long karimaut ol dispela wok. Tasol long kamapim wanpela opis olsem atoriti we ol saveman bilong wok mas go pas long en long mekim plen na disain bilong ol rot, bris, ples balus, wof na arapela moa mas wok long en.

Dispela opis tu bai go pas long painim mani na skelim go long karimaut ol wok insait long ol wanwan distrik na LLG insait long provins, Mista Yalambing i tok.

Olsem na opis bilong Morobe Gavana mas go pas long kamapim dispela atoriti opis na Morobe Edministresen bai wok klostu wantaim long kisim ol saveman bilong wok kam wok.

Ol tenpela Morobe memba mas putim mani na wok plen bilong ol tu kam insait long dispela opis bai ol wokman olsem enjinia, disaina, plena, polisi plena na arapela bai stretim olgeta plen na putim mani go stret long ol wok insait long ol distrik bihainim laik bilong ol 10-pela memba ya.

Mista Yalambing i tok dispela atoriti em wankain olsem bipo olpela Primia bilong Morobe Utula Samana bin kamapim wantaim Fisikal Developmen Atoriti, Anga Developmen

Atoriti na arapela atoriti long provins.

Ol dispela atoriti bilong mekim wok tasol bikos nogat inap saveman bilong karimaut wok na tu nogat inap sapot long sait bilong mani long mekim wok.

Mista Yalambing i tok dispela atoriti sapos yumi ken lukim Morobe Developmen Atoriti bai go pas long olgeta wok na em bai gat pawa tu long painim mani long ol ovasis dona na tu insait long PNG na Gavman. Ol pepa wok bilong em bai stret na klia long rot em bai bihainim long kisim mani na putim mani go long karimaut wok.

Em tok ol 10-pela memba ken givim ol projek plen bilong ol kam long dispela opis bai wokman ken go aut na mekim wok aninit long developmen plen bilong provins we Morobe Provins Gavman i gat long en.

Mista Yalambing i tok Morobe provins i gat planti risos o ol samting bilong mekim mani na bisnis i stap tasol yumi no save mekim gut plen na skelim save man wokman. Olsem na wok save hat long yumi na mani save sot na wok i no save kamap.

Robin Yalambing em wanpela enjinia i bin wokim ol rot na bris insait long Morobe provins, Sentrel provins na tu long Australia na i gat save long ol bikpela wok developmen insait long provins. Em i wanpela strongpela Kristen man na i gat bikpela laik tru long kamapim senis na developmen long ol ples insait long Morobe provins.

Mista Yalambing i bin traimit dispela sit long 2002 na kamap namba 4 na nau em traimit gen long 2012. Em i wanpela yangpela lida na em bilong ples Golden Pain long Bulolo.



**REDI LONG WOK:** Pereid Komanda, Superintenden Simon Niggi, i sanap harim toktok bilong boss bilong em taim ol soldia na woda i sanap long pereid long baksait. **Poto: Bustin Anzu**

## 'Mi mekim long gutpela bilong ol pipel' - Namah

BIHAINIM toktok long eksen bilong deputi praim minista na lida bilong PNG pati, Belden Namah, long ares bilong sif jastis, Mista Namah i tok eksen bilong em i bihainim gutpela bilong ol pipel.

Em tok sapos em i no mekim, nogat man bai mekim.

Em i tok tu olsem konstitusen i no senis long bipo na nau i no hat long senisim.

Dispela ol toktok Mista Namah bin mekim taim em go na endosim kendidet bilong PNG pati long Kundiawa long wik i go pinis.

Em tok judesari em trutru kompremais, nogat jas long ol ovasis kantri ken harim kot bilong emj yet. Em tok dispela kain pasin i no kamap wanpela taim, em kamap moa long wanpela.

"Mi mekim dispela long stopim korapsen long narapela han bilong gavman, na dispela em judiseri." Mista Namah tok.

## Polis na ami redi long wok

**Bustin Anzu i raitim**

POLIS na ami i redi long mekim wok bilong ileksen, Polis Komisina i tok.

Komisina Tom Kulunga i tok ol wantaim soldia i redi long provaidim sikuriti long taim bilong ileksen long dispela yia. Maski ol i kisim kain kain tok tok, ol i redi long helpim lilektoral Komisnin bilong Papua Niugini wantaim wok bilong ol.

"Mipela i redi long dispela ileksen. Dispela em wanpela bikpela ileksen bilong mipela na mipela wantaim ami na sapot bilong Koreksenel Sevis (CS) long kamapim gutpela ileksen.

"Planti kain kain tok tok

wok long kamap long dispela ileksen tasol mipela i redi long ronim dispela ileksen long sait bilong sekyuriti," em i mekim dispela toktok long Maunten Hagen long las wik Fraide long taim ol i lonsim oporesen bilong ol.

Em i tok lukaut long ol kendidet long noken bagarapim dispela ileksen wantaim pasin korapsen na braibim ol manmeri long vot bilong ol or kros wantaim narapela kendidet na pait.

Em i mekim wankain tok tok long ol wok lain bilong em tu long noken kisim braiberi na helpim ol kendidet o ol sapota bilong ol.

"Planti polisman i kisim taim pinis wantaim lo pinis

taim ol i laik helpim ol kendidet long Hailans pinis. Ol dispela lain bai kisim taim wantaim ol yet na kot tu.

"Mipela mas sapotim wok bilong mipela long kamapim gutpela sikuriti oporesen," em i tok.

Poling bilong nupela Hela na Sauten Hailans bai stat long neks wik Sarere (Jun 23) long wan de poling na olgeta samting bilong wok wantaim sekyuriti i redi.

Long wankain taim, ol polisman husat i helpim ol kendidet na ol narapela lain long bagarapim nem bilong polis i kisim taim. Ol bai no inap go fri na ol bai kamap long kot bilong kantri na bilong ol yet tu.

## 'Back Page' mama autim wari

**Michael Novingu i raitim**

BITAPAKA LLG long Kokopo Distrik ol i save kolim 'Back Page', bikos nogat gavman sevis i go long ol.

Maski, Gavana bilong Is Nu Briten, Leo Dion i kam long Bitapaka LLG, ol manmeri bilong em i stap turangu yet.

Wanpela Mama long Ralubang ples long Bitapaka LLG i no laik autim nem bilong em long *Wantok Niuspepa* i tok, "bihain long 37 krismas long mipela i kisim Independens, mipela i

no lukim gavman sevis i kam long mipela".

Em i tok helt sevis, rot na bris, skul, na wok bisnis i nogat long hap bilong ol, na ol Mama i kisim taim nogut.

Moa yet, em i tok planti mama save dai taim ol i laik karim pikinini, i nogat klinpela wara long kukim kaikai na wasim ol samting, na i save kamapim sik long ol.

"Mipela ol mama i save wok hat long painim kaikai bilong famili long lukautim sindaun bilong famili; moa yet mipela i no inap mekim bikos nogat gavman sevis i kam long mipela.

Em i tok maski mipela i givim 75% long kakao, kopra bilong mipela i go long apim ikonomi o wok bisnis long ENB, nogat luksave long mipela long helpim gutpela sindaun bilong mipela long komuniti bilong mipela.

Emi singaut long ol kendidet long ol promis ol i mekim long taim bilong kempen long kisim sevis i go long ol.

*Wantok Niuspepa* i raun i go long dispela hap, na i lukim i tru nogat gavman sevis i go long ol manmeri bilong Bitapaka i stap turangu yet.



# TOK PISIN NEWS

from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

## Strongpela guria long Australia

### bihain long 30 yia

WANPELA guria long strong bilong 5.3 i bin kamap 121 kilomita saut-is long Melbon siti bilong Australia, na sakim ol bikpela bildings, tasol i nogat ripot long bikpela bagarap.

Saismolojij bilong Geosicience Australia, Dokta Mark Leonard i tok rekot bilong ol i soim dispela i bin wanpela strongpela guria long kamap long Australia bihain long 1982.

Em i bin kamap 9.9 kilomita aninit long graun pastaim long nain kilok long nait long Melbon taim long long Tunde.

Namel bilong dispela guria i bin stap 10 kilomita long saut-wes bilong wanpela rural taun bilong Moe, tasol ol pipel long olgeta hap bilong Viktoria Stet i bin pilim, namel long ol, Melbon, kapitel bilong stet.

Join Australian sunami won-ing senta i tok i nogat birua long wanpela taidel wev, na i no bin gat ripot long ol bikpela bagarap.

Ol pipel i bin ripot long bikpela nois wantaim ol ripot tu long ol kreks long wol na floa long ol haus bilong ol.

Lacklan Quick gilong Stet Imejensi Sevis, i tok ol i bin kisim samting olsem 40 ripot long halivim.

Em i tok planti long ol askim bilong halivim i bin kam long ol dispela i stap klostu long eria guria i bin stat long en. Profesa Micke Sandiford bilong Skul ov Et Saienses long Yunivesiti bilong Melbon, i tok dispela em i samting i no save kamap oltaim.

## Askim long holim bikpela miting bilong ol wari long Pasifik yut kraim

WANPELA yut woka bilong Australia i laikim ol i holim wanpela bikpela miting



### Ol pik i swim

BRUKIM WARA: Wanpela man Filipino wantaim ol pik bilong em i swim brukim haiwara i kamap bihainim bikpela ren tru i pundaun wantaim wes-monsun na bikpela taim nogut ol i kolim Guchol. Bikpela ren i kamapim haiwara long planti rot long Manila, biktaun bilong kantri Filipins long Tunde dispela wik.

bilong ol pipel i makim Australia, Nu Silan na Pasifik Ailan kantri long takolim hevi bilong yut kraim.

Dispela i bihainim ol atek i go long ol teks draiva long westen sababs long Melbon.

Dispela birua i kamap long wanpela gen em ol i tok bilong Pasifik Ailan kantri na i bin kamap pastaim long sankamap long Mande moning.

Ol i arestim pinis sevenpela man na wanpela meri kris-mas bilong ol namel long 14 na 18.

Melbon yut woka, Les Twentymen i bin tokim Radio Australia Pacific Beat progrem olsem krait namel long ol yangpela bilong Pasifik Ailan kantri i wok long go antap na i nidim bikpela intanesenel wok bilong stopim.

Em i tok ol i bin gat planti trabel long ol relwe sistem we ol geng i save kamapim pinis long 10 na 15 yia.

Mista Twentyman i tok dispela i kamap long wnem

dispela ol yangpela pipel i no moa stap gut na sindaun wantaim komyuniti.

Ol i lusim skul taim ol i yangpela yet, na planti long ol i no save pinisim praimer skul i go long sekenderi skul, na sampela long ol wok nau i stap i bilong ten o twenty yia i go pinis, moa yet long ol wok bilong mit-woks i no moa stap.

## PNG Ilektoral Komisina i tok ol ileksen wok i redi

OL vota bilong Papua Niugini i gat foapela de moa pastaim long ol i makim ol vot bilong ol long jeneral ileksen.

I gat 435 kendidet i resis long winim wanpela long 111 sia bilong PNG Nesenel Palamen, namel long ol 135, em ol meri.

PNG Ilektoral Komisina, Andrew Trawen, na ol wokmanmeri bilong Komisen i bin stat long mekim ol wok redi bilong dispela ileksen

long stat bilong yia i go pinis.

Pius Bonjui nap kisim Mista Trawen long opis bilong em long Pot Mosbi, na askim sapos olgeta wok redi i go gut pinis, na em i redi bilong vot i stat long Sarere 23 bilong dispela mun Jun.

## PNG SABL ripot klostu bai kam

### aut

PAPUA Niugini gavman klostu nau bai kisim wanpela ripot bilong ol wok painimaut i go insait long o Spesol Agrikalsa na Bisnis Lis o S.A.B.L

Dispela enkwairi bai tokaut long sampela senis em gavman i mas mekim long we dispela kain wok bai wok long bihain taim.

Gavman bilong Peter O'Neill i bin kirapim dispela wok painimaut oa enkwairi bihainim planti wari na kros long komyuniti long dispela wok em aninit long en, ol foren kampani i save lisim ol graun inap klostu long 100 yia bilong mekim ol

agrikalsa wok bilong ol. Siaman bilong Komisen ov Inkwairi, na bipo Sif Majistret, John Numapo, i tok em bai mobeta gavman bai bihainim ol toktok em ol i putim long dispela ripot.

## Fairfax i mekim ol Australia politisen i wari

OL politisen nau i wok long wari tru long ol wanem kain hevi em ol bikpela senis long Fairfax nius kampani bai kamapim bihainim ol plen em dispela kampani i tokaut long en.

ABC politikal niusmeri Louise Yaxley i ripot olsem minista bilong komyunikesen, Stephen Conroy, i tok lukaut olsem tingting bilong kamapim long rausim 1900 wokman bai bagarapim wok bilong demokrasi. Mista Conroy i tok wok bilong raitim nius, em ples we ol niuslain o jenalis i save wok long en, em i ples tu we ol i save skulim na halivim ol narapela niusmanmeri.

Pacific BEAT

4. 5. 6am & 4pm. 5pm including sport

Listen to Radio Australia  
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



**WANTOK**  
**KOMENTRI**

**Makim gutpela manmeri bilong go pas long yumi**

NAU, yumi harim olgeta tok promis, kaikai olgeta fri kaikai, na dring olgeta fri dring pinis, na bai yumi vot nau. Na bai yumi vot olsem wanem.

I tru olsem ol lain bilong yumi antap long ol longwe ples long Hailans rijen bai no inap long lukim wanpela balot pepa.

Na i tru, olsem bai gat kesmani i ron i go kam namel long ol hauslain, na ol wanwan manmeri.

Tasol bai yumi vot bihainim ol dispela samting? Bai yumi vot bihainim man husat i wok long tok promis long yusim hanpaus bilong em long pinisim olgeta wari bilong yumi?

Na olsem wanem long lida i save wetim ol bikpela bung long go long benk na rausim 200 o 300 tausen kina long kes, pasim long raba ben na go givim long han bilong ol arapela lain?

Em ol gutpela lida? Planti ol dispela samting i mas stap long tingting bilong yumi.

Tasol yumi noken paul. Yumi noken aipas. Yumi no nupela long ol stil pasin bilong ol lain i lida bipo. Bai yumi givim sans long ol i kam bek na stilim moa mani, na kamapim moa hevi bilong yumi?

Sapos yumi makim man i save toktok long mani olgeta taim, nogut em bai aigris long mani bilong kantri i go, na stil pasin i kamap.

I gat planti kain kain man na meri i tromoi toktok na pairap pairap long pulim tingting bilong yumi. Olgeta wanwan i tok bel bilong ol i stap long halivim PNG.

Tasol yumi save olsem i no olgeta i gat dispela wanpela kain tingting, na wankain bel bilong mekim wok na givim sevis.

Planti long ol i tingim tu bikpela luksave, nem na mani i kam wantaim wok memba. Yumi noken abrus.

Sapos toktok bilong wanpela kendidet i bin sutim tru bel bilong yu, na sapos em i soim yu long pasin na toktok bilong em, olsem em i wanpela gutpela man o meri i gat strongpela tingting na pasin lida, ating em i lida bilong yu. Rait bilong yumi long vot, em i bikpela samting tru.

Yumi noken tromoi nating. Kliarim tingting, na sindaunim gut bel pastaim long yu go kamap long poling but.

Na noken lus tingting long askim Bikman long stiaim yu long gutpela rot na bilip. Em bai stap oltaim long halivim yu. Yumi vot nau.

**Vot gut, noken kilim skin**

Taim bilong Papua Niugini long votim lida bilong ol bai stat long dispela wik Sarere 23 Jun insait long planti hap bilong kantri. Na dispela em wanpela taim ol pipel bilong Papua Niugini save makim ol lida bilong ol inap narapela 5-pela yia gen.

Planti bikpela kempen i raun pinis long olgeta kona bilong provins na yumi harim pinis mauswara na kempen bilong ol kendidet na ol pati lida long wanem samting ol laik mekim taim ol kamap lida na memba bilong palamen.

Tasol long makim vot long balot pepa em laik bilong wanwan nau. Long bel na tingting bilong em long makim husat lida em samting bilong yu wanwan bikos pasin bilong yu long skelim samting ino wankain long tingting na pasin bilong narapela man o meri. Wanem kain naispela tokok yu harim long kempen bilong husat kendidet em i no wankain long ia na skelim bilong narapela manmeri. Olsem na taim bilong makim vot em laik bilong wanwan stret.



Tingim, nogat wanpela man bai pretim yu long votim em na tu nogat man bai save long husat em yu votim bikos strongpela sekyuriti gad bai stap na yu ken makim vot bilong yu long laik tasol.

Lo long kantri i tok long yumi mas votim lida bilong yumi isi tasol na nogat wanpela samting bai stopim na pretim yumi. Ol tok vot bilong mi mas klia na fea na mi no inap prèt long husat.

Yumi bin harim planti kempen ol pati lida bin mekim raunraun long olgeta hap kona biong Papua Niugini long sanapim ol kendidet bilong ol.

Yumi lukim ol bikpela pati we ol i gat mani long baim balus na helikopta long raun mekim kempen olsem Pipels Nesenel Kongres (PNC) aninit long Praim Minista Peter O'Neill, PNG Pati

aninit long Deputi Praim Minista Belden Namah, Nesenel Alaiens (NA) pati aninit long Gren Sief Sir Michael Somare, Pipels Progress Pati (PPP) aninit long Sir Julius Chan na arapela pati moa. Yumi harim na lukim ol pati lida olsem Don Polye, Peter Yama, William Duma, Paias Wingti, Powes Parkop, Garry Juffa na arapela tu bin kamaut na mekim ol kempen toktok long sapotim ol kendidet bilong ol tu.

Em taim bilong nesenel ileksen na yumi harim pinis kankain toktok na promis na ol stail bilong kempen long grisim vot bin kamap pinis. Yumi no nupela long ileksen bikos yumi bin lukim pinis ol pasin na stail bilong ileksen long bipo na yumi klia gut long ol wanem kain samting save kamap.

Sampela kempen bin kamapim pait na dai pinis long sampela hap bilong Hailans provins na dispela em no nupela samting. Kain trabel olsem save kamap bipo.

Tasol ol pipel mas save olsem sapotim kendidet long

winim eleksen em narapela samting na kendidet long win na bringim sevis na developmen long yumi em narapela samting. Nogut yumi kilim skin na kisim bagarap nating na kendidet i win na go lus tingting long yumi olgeta. Pen na bagarap yumi kisim long ileksen taim bai lus nating.

Tingim yumi laik makim gutpela lida bilong go long palamen na mekim gutpela disisen bilong bringim sevis na developmen long yumi. Yumi laikim gutpela rot, bris, skul, haus sik, ples balus, ol sans bilong mekim bisnis mas kamap gut na wok agrikalsa na kamap gut na planti arapela samting moa yumi laikim.

Yumi no salim lida go bilong mekim bisnis bilong em yet, nogat. Lida go long tingim hevi na bagarap yumi stap long en na painim helpim na kisim kam.

Olsem na makim lida long raitpela pasin na noken kilim skin long pait na birua na bai yu go kalabus stap na memba bai kaikai gut na amamas raun stap.

**WANTOK**

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

# Ol Rasia enjinia askim long PNG 'taiga na laion'

**James Kila i raitim**

PLANTI lain long ol arapela kantri long wol i no save long Papua Niugini. Dispela em trupela tok.

Las wik mi bungim tupela seila bilong kantri Rasia long Basamuk long Raikos, Madang provins, na tupela i askim sapos bus bilong yumi i gat taiga o laion i stap long en. Mi tokim ol, nogat.

Ol i tok, ol i ting olsem yumi tumbuna bilong ol Afrika na yumi gat elefant, jiraf na tu ol enimol olsem hipopotamus na zebra raun long bus bilong yumi, tasol mi tok nogat.

Mi tokim ol PNG em stap long Pasifik, na ating papa God i no putim ol kain enimol long graun bilong yumi.

Tupela man ya i wok olsem enjinia bilong wanpela bikpela sip bilong kantri Norway nem bilong em 'MV Sira' na dispela bikpela sip i bin go sua long bris bilong Ramu NiCo long Basamuk na bringim ol bikpela kago long hap.

Mi wantaim tripela arapela wanwok, Tony Gaiyu, Leffy na Allan Wahwah i go painim kol drink long wanpela tred stua long liklik ples Bobidik, na wokabaut i kamaut long simen rot long Basamuk taim mipela lukim tupela waitman ya i wokabaut long rot i go na mekim save long toktok wantaim sampela ol mama husat i salim buai daka arere long rot.

Ol mama ya tu i amamas na mekim save long mauswara wantaim dispela nupela bagaros bilong Rasia.

Wanpela long ol dispela waitman wantu tasol i putim han i go insait long poket bilong em na rausim wanpela pepa mani we 1 Ameriken Dola (US\$1) na laik baim buai, tasol turangu ol mama ya i paol na tok ol i no save kisim kain mani olsem.

Tasol waitman ya i strong na i laik traim kaikai buai yet na toktok strong yet stap na mipela i kam kamap. Bihain mipela i tok klia long ol mama ya na narapela wanwok i baim buai na daka na givim long waitman ya.

Waitman na wantaim poroman bilong em i amamas na i tok olsem nem bilong tupela em Ruslan Sergev na narapela em Sergev Aleksander. Tupela bilong kantri Rasia na tupela i wok olsem enjinia bilong dispela bikpela ovasis sip we i stap long bris long Basamuk.

Tok Inglis bilong dispela

tupela bagaros ya i narakain liklik, na turangu ol mama husat i salim buai long maket i paol liklik. Taim mipela i go kamap, mipela i toksave gut long ol mama ya olsem tupela bagaros ya i laik baim buai na laik yusim mani bilong Amerika bikos ol nogat Kina mani bilong PNG.

Yangpela man Ruslan i no wet, em i kisim sampela koins, Allan i givim em na baim buai na daka na mekimsave long kaikai wantaim kambang. Taim buai i go ret stret long maus, em i tanim na tokim mipela olgeta olsem "Samting ya i no kik, mi filim orait yet"

Bihain tupela i tokim mipela olsem nau tasol ol i kamdaun long bot na bikpela tingting bilong ol long go painim sampela bia na dring. Ol i tok ol i gat tupela aua tasol, na ol i laik dring bia stret. Tasol, wanpela asua em turangu tupela nogat PNG Kina long yusim long baim wanem samting ol i nek drai tru long en.

Mipela paitim toktok i go kam, na arapela wan wok, Allan i rausim K30 na i givim ol bihain long ol i givim em 20 Ameriken Dola.

Tupela bagaros bilong Rasia i amamas long stori i go na tok ol i nidim sampela moa mani bikos ol i laik dring planti bia liklik. Bihain Leffy i helpim ol na kisim ol i go soim ol ples klostu long Basamuk.

Tasol pastaim long ol i wokabaut i go klostu long ol dispela ples, narapela lapun Rasia i pret na i askim sapos bus bilong yumi i gat laion o taiga i stap insait long en.

Leffy tok nogat laion o taiga olsem long Afrika, tasol i gat snek tasol i stap. Tupela poroman bilong Rasia i amamas tasol na tok em orait ol bai go fast wan o 'Yangoru drop tasol' long bia na bihain ol i go bek gen long bot.

Yes, em tru tumas, ating moa ovasis lain bilong arapela kantri bai go long Basamuk na moabeta, wanpela benk sevis i mas stap long dispela ples.

Bihain long Ramu NiCo i kirapim rifaineri long Basamuk, planti kain kain senis i kamap insait long sotpela taim nau. Long pastaim ol pipel bilong dispela ol ples long Basamuk i no bin lukim planti nupela kain samting, tasol nau moa nupela teknoloji na senis na tu planti lain long ovasis bai go krungutim dispela ples.



Bagaros mangi Rasia kaikai buai, tasol i no filim kik



Bikpela sip bilong kantri Norway i sua long Basamuk bris long Raikos, Madang provins. Foto: James Kila



Ol mama bilong Basamuk i soim ol mangi Rasia stail bilong kaikai bua



# Raun wantaim Kanage olgeta wik

## Nupela pes Kanage

Wanpela taim Kanage igo raun long ailan Karkar long Madang Provins. Kanage go stap long Karkar Kulili maket na tripela yangpela meri Karkar ol i go kolostu tru long Kanage na tok, "Papa yu nupela pes ya!" yu kam we? Kanage tok; mi kam long Lae. Ol tripela meri tok, kam na yumi igo long hauslain bilong mipela. Namel long rot, ol askim Kanage na tok; Papa yu save long koapim kulau o nogat? Kanage tokim ol, Papa bilong mi ino lainim mi long dispela.

Ol tripela meri tok, Papa mipela tok long kokonas kulau na yu kisim narapela tingting ah? Mi man bilong aburusim ol trabol, ol merit ok yu strongpela man ya! Ol lap indai.. Kanage tok, yupela tok stret long go antap long kokonas kulau bai mi save, ol arapela tokpisin mi no wanbel na mi ino inap. Ol tripela meri lap bikmaus tumas na tok, " Papa yu rait man stret ya!"

**Kombe Pinai Wabag, Enga Provins**



## Rais i no kuk yet...

KANAGE i stap wantaim meri bilong em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyoooo, rais i no kuk yet na Ox & Palm op pinis..."

**Soulist Raiiotz Madang**

## Kros long beltait

WANPELA moning, papa Kanage go wok long gaden. Em wok i go na hangere kisim em. Em kam bek long haus

na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiauwat mi brukim pinis na i stap long gaden". Pikinini meri bilong em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros, orait, yu tupela i go na painim rot long kaikai na kisim mani!"

**P Posou Manus**

**Ol skwat!**  
**Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby. Email: atolire@wantok.com.pg**

# Hevi wantaim gelpren

## Dia Laipain

Mi wanpela hai skul sumatin na mi gat hevi wantaim gelpren bilong mi. Tasol em gat tupela narapela boipren. Wanpela em marit man na narapela em wanpela yangpela man. Wanpela samting em, mipela i kam long wanpela komyuniti.

Taim mi bin go long ples long skul malolo bilong mi las krismas, mi bin bungim em. Taim mi askim em long slip wantaim mi, em bin tok em i lukim sikhun bilong em long dispela taim.

Olsem na mipela i no wokim samting. Tasol long wik bhain, mitupela i slip wantaim tripela taim.

Nau em i tok em i gat bel long mi. Mi paul long wanem, mi bin slip wantaim em tripela taim tasol bhain long em i lukim sikhun bilong em. Em laik bai mi papa long pikinini em i karim.

**Laipain, plis helpim mi. Paul boipren**

## Dia Pren,

Yu wanpela hai skul sumatin husat i bin go malolo na painim meri husat i gat narapela tupela boipren, tasol yu bin slip wantaim em

Nau yu paul bikos em i wok long tok yu papa bilong pikinini em i gat long bel. Yu no trastim em bikos em gat narapela tupela boipren. Na yu paul tu bikos yu bin slip wantaim em bhain tasol long piri bilong em we yu ting em i seif.

Pren, long laip, i gat taim bilong amamas, tasol i gat kikkem bilong em. Yumi olgeta i save bungim hevi long laip. Planti em yumi yet i wokim na sampela em yumi bhainim ol narapela, tasol gen, bai yumi stretim ol hevi olsem wanem em narapela samting.

Mipela laik askim yu sapos ol papamama bilong em na bilong yu tu, l save olsem em i gat bel. Yu serim wari bilong yu wantaim narapela man o meri pinis? i gutpela sapos yu kisim helpim, moa save na tingting long wari na hevi yu gat long en.

Yu no trastim gelpren bilong yu na tu, yu no tok sapos meri ya em i wan-



long banisim yu yet long HIV na AIDS binatang.

Sori samting ya olsem tude, ol yangpe, a i no save tingting pastaim na slip raun stap. Ol mas kontrolim piling bilong ol na lukim marit olsem samting santu God i wokim long en na yumi mas biahinim.

Pren kisim DNA tes bai helpim long painimaut pikinini em i bilong husat stret. Mipela i bilip olsem yu lainim pinis lesen bilong yu long laip. Yu ken abrusim dispela kain samting sapos yu painim gutpela patna we yu bai pas wantaim, marit gut long wanpela ol rot mipela i tokaut pinis long em na bai yu stap amamas. Nau i maobeta yu helpim gelpren bilong yu taim em i bungim hevi i stap. i maobeta yu serim wari na hevi wantaim papamama na ol i ken helpim yu. Bai yu stap amamas long slip wantaim patna sapos yu marit gut. Olsem olgeta yangpela pipel, sampela lain lain i mas givim yu gutpela stia long bhainim na i gat gutpela laip.

Husat em ol poroman bilong yu. i maobeta yu skelim gut ol lain yu save poroman wantaim long skul nap les. Sampela taim, yu miks wantaim ol poroman i no gutpela tumas na bai yu bungim hevi long kisim ol drag, seks na pren pasin i no stret.

I maobeta yu mekim ol samting bai promotim gutpela seif na na helti laip-stail, o joinim wanpela sios yut grup.

God i ken givim yu gutpela tingting.

**Pren bilong yu, Laipain**

**Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.**

**Laipain**

**NEM: Ludwick Monduk**

**KRISMAS: 25 (man)**

**ADRES: C/- Clerance Kombukun, PO Box 302, Kimbe, West New Britain Provins**

**SAVE LAIKIM: Rit, mekim pani, wok, pilai, harim musik, lukim TV na mekim poroman.**

**NEM: Monita Raio**

**KRISMAS: 22 (meri)**

**ADRES: Lae Ever Green, PO Box 167, Lae Morobe Provins**

**SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.**

**NEM: Womie Ben- Efore**

**KRISMAS: 26 (man)**

**ADRES: C/- Christ For The Nations, PO Box 1332, Lae, Morobe Provins PNG**

**SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.**

**NEM: Aweqwii de Paps**

**KRISMAS: 24**

**ADRES: K- Toro Hire Cars, PO Box 111, Vanimo, Sandaun Provins**

**SAVE LAIKIM: Go Lotu, ritim ol buk o niuspepa na mekim pren.**

**NEM: Gitfty Ocloo**

**KRISMAS: 34 (meri)**

**ADRES: PO Box 35, Agona Nyakrom, Ghana - Phn: 0023354787139**

**SAVE LAIKIM: Raitim pas, painim wanpela man long maritim na stap wantaim oltaim.**

**NEM: Shirley Hori**

**KRISMAS: 18 (meri)**

**ADRES: Marinumbo Primary School, PO Box 352, Wewak, East Sepik Provins**

**SAVE LAIKIM: Harimm, danis, kuk, wasim klos, pilai spots, Go Lotu, mekim pani na go swimming**

**NEM: Sharon Tatapai**

**KRISMAS: 15 (meri)**

**ADRES: Yaraka Memorial School, PO Box 532, Kavieng, New Ireland Provins**

**SAVE LAIKIM: Go Lotu, lukluk CD na pilai spots.**

**NEM: Nasain Calvin**

**KRISMAS: 14 (meri)**

**ADRES: Yaraka Memorial School, PO Box 532, Kavieng, New Ireland Provins**

**SAVE LAIKIM: Pilai Spots, Go Lotu, Lukim CD na rit planti**

**NEM: Karl Pawa**

**KRISMAS: 30 (man)**

**ADRES: Semoroks Gospel Club, PO Box 3368, Lae, Morobe Provins.**

**SAVE LAIKIM: Stap wantaim Jisas, Pilaim gospel musik na laikim kristen Luteran meri o arapela sios meri husat igat strongpela tingting long pilaim musik bilong God.**

**NEM: Darren Calvin**

**KRISMAS: 15 (man)**

**ADRES: Yaraka Memorial School, PO Box 532, Kavieng, New Ireland Provins**

**SAVE LAIKIM: Lukim CD, Pilai Spots na Ridim buk**



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Privu
7:05PM Musik na Chit Chat

SANDE - Nait
7PM Stesen op - Ol Nius Hetlain/Program Privu
7:05PM Musik na Chit Chat

Raun wantaim Wantok kru ...



Digicel Yumi FM PNG musik awod i kamap gen

Nicky Bernard i raitim

YUMI FM PNG musik awod bai kamap gen long pinis bilong dispela mun. Dispela bikpela musik awod i ron long 9-pela yia nau.

Wantaim bikpela sapot bilong Digicel dispela yia, dispela awod i go bikpela moa yet.

Digicel i kisim nem rait long ol givim bikpela mani mak. Dispela em bai nambu yia Digicel i sponsaim dispela musik awod so.

Ol musik manmeri bilong yumi long Papua Niugini na pasifik aipan we singsing na musik bilong ol i save pairap long Yumi fm na mekim go tru long top

20 bai kisim dispela luk-save.

Yumi FM i save mekim dispela awod long helpim ol musik manmeri na ben long kamapim gutpela na strongpela musik insait long kantri bilong yumi na pasifik.

Olgeta yia planti ol nupela ben na ol musik manmeri save kamapim ol gutpela singsing na musik, na singsing na musik bilong save go insait long top 20 kaundaun na pinis bilong yia ol save go insait long top 100. Dispela nau Yumi fm save makim ol singsing na musik na bihain givim ol awod.

Long dispela yia planti long ol sponsa i kam insait

long sponsaim wanwan awod na dispela i mekim olsem dispela em bikpela long ol narapela yia i go pinis.

Digicel i go pas long bikpela sponsa, bihain long em Dulax, City Pharmacy na sampela moa. Dispela nait long Pot Mosbi bai kam long namba 23 de bilong dispela mun na gate fi bai K50.

Sapos yu laik lukim ol ben o musik manmeri bilong yu, yu mas kam long dispela wiken.

Wanpela ben bilong Solomon Ailan bai kam pilai tu long dispela nait wantaim olpela ben we em mekim kam bek bilong em, Quakes ben.

93.5FM YUMIFM National Weekly Hit Parade: Produced & Host by: Kasty. Table with columns: Week Before, Last Week, This Week, Charting Song, Artist.

EMTV Television Guide

FONDE 21 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

FRAIDE 22 Jun, 2012

5:00 AM G JOYCE MEYER
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS

SARERE 23 Jun, 2012

6:00 AM STATION OPENS
7:00 AM G WAYBULOO
7:30 AM UNTIMATE GUINNESS

SANDE 24 Jun, 2012

5:00 AM G SUPER 15 RUGBY Crusaders vs. Blues "Repeat"
7:00 AM G HILLSONG
7:30 AM G CHIT CHAT

MANDE 25 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS



TORO



BIABIA



KANAGE



TOKWIN

Ren bagarapim posta

PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.

Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traim long karamapim bikipela hap ples long kisim vot bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

Gutpela toktok kam long kempen

OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani? Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.

Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

Table with 10 columns and 10 rows of letters: A I R N I U G I N I E S K A G O A, H U R T S H N M O L Y U E R C R I, P S E S I A L E T W R Y I P I L R, L I E X F S D E R V V S X A J H L, A I S K H J K L O P K U N B N S I, S E I U I T F D S R E O O I P U N, B C F P R N E Y U F I S P A R T E, A I P O J R E W S T S F G I K K S, L T O L U A F R A S I T E E L E P, U I N I G H K N V D R K U O I S N, S R K H D S S E E W T T E P O I G, E U D R S D C V T N M E T T O P S, R Y E Y N N J K L O P K C V R I E, T K O A P L K N B D R S I A E A R, I E L S T P A I L O T I U I L Y M, W S E A R T Y I N E R B A L U S A, I K L J I U S P E A H O S T E S F

Painim ol dispela toktok bilong ron long balus:

Table with 4 columns: BALUS, AIR NIUGINI, AIRLINES PNG, MAF, ISLANDS NATIONAIR, PLES BALUS, KAGO, TI, KOPI, JIUS, BISKET, SIA LET, SIA, TIKET, SEKIN, SEKURITI, LAIP JAKET, EA HOSTES, PALOT, SUTKES

5x5 grid with numbers: 2 4 9 6 1 5, 3 8, 8 1 4 9, 7 1 4 3 9, 9 6 3 2 1, 2 7 3 6, 3 6 1 4 8

5x5 grid with numbers: 2 7 4 9 6 3 1 8 5, 5 3 9 4 8 1 7 2 6, 6 8 1 5 2 7 4 9 3, 7 5 2 1 4 8 6 3 9, 4 1 3 6 9 5 2 7 8, 9 6 8 7 3 2 5 4 1, 1 2 7 8 5 9 3 6 4, 8 4 5 3 7 6 9 1 2, 3 9 6 2 1 4 8 5 7

Ansa bilong las wik Sudoku

Word search grid with letters: T A R A B A U B I L O N G N A I T, K E K U M U L P, A K A L A N G A R I, A K O K O W O S I K, R T A N K O, G U R I A A R A K, K R A P I P I V, P A T O L G B V, I O E A A I B, A K P U L U, N T T K A K A T U K, A O I S A, W S U B G N O L I B L U A P

Ansa bilong las wik Pasol

EMTV Television Guide

12:05 PM AUSTRALIAN NETWORK 1PM - 3PM G CLASSROOM BROADCASTS continues..... 1:00 - 1:40 GRADE 6 MATHEMATICS 1:50 - 2:30 GRADE 6 SCIENCE 2:30 - 3:00 DEPI 3:00 PM G KIDS KONA 3:00PM - DORA THE EXPLORER 3:30PM - NEW MACDONALD'S FARM 4:00PM - THE SHAK 4:30PM - KITCHEN WHIZ 4:57 PM EMTV TOKSAVE 5:00 PM G HOT SOURCE 5:30 PM G MILLIONAIRE HOT SEAT 5:55 PM CRIME STOPPERS 6:00 PM G NATIONAL EMTV NEWS 7:00 PM G NRL ROUND# 10 Panthers vs. Dragons - Live/CH.9 8:57 PM G EMTV TOKSAVE 9:00 PM G TOK PIKSA 9:30 PM G SPORTS SCENE 10:00 PM G SUPER 15 RUGBY

Reds vs. Chiefs "Replay" 12:00 AM G EMTV NEWS REPLAY 1:00 AM AUSTRALIAN NETWORK TUNDE 26 Jun, 2012 5:00 AM G JOYCE MEYER. 5:30 AM G TODAY 9:00 AM G CLASSROOM BROADCAST 9:00 - 9:40 GRADE 7 MATHEMATICS 9:50 - 10:30 GRADE 7 SCIENCE 10:40 - 11:15 GRADE 8 MATHS 11:20 - 12:00 GRADE 8 SCIENCE 12:00 AM G MIDDAY NEWS UPDATE 12:30 PM G AUSTRALIAN NETWORK 1PM - 3PM CLASSROOM BROADCASTS continues..... 1:00 - 1:40 GRADE 6 MATHEMATICS 1:50 - 2:30 GRADE 6 SCIENCE 2:30 - 3:00 DEPI 3:00 PM G KIDS KONA 3:00PM - DORA THE EXPLORER

3:30PM - NEW MACDONALD'S FARM 4:00PM - THE SHAK 4:30PM - KITCHEN WHIZ 4:57 PM G EMTV TOKSAVE 5:00 PM G HOT SOURCE 5:30 PM G MILLIONAIRE HOT SEAT 6:00 PM G NATIONAL EMTV NEWS 7:00 PM G HAUS & HOME 7:27 PM G EMTV TOKSAVE 7:30 PM THE VOICE S1 Performances Part 1 9:30 PM G FUNNIEST HOME VIDEO SHOW 10:30 PM EMTV NEWS REPLAY 12:00 PM Australia Network TRINDE 27 Jun, 2012 5:00 AM G JOYCE MEYER. 5:30 AM G TODAY 9:00 AM G CLASSROOM BROADCAST 9:00 - 9:40 GRADE 7 MATHEMATICS

9:50 - 10:30 GRADE 7 SCIENCE 10:40 - 11:15 GRADE 8 MATHS 11:20 - 12:00 GRADE 8 SCIENCE 12:00 AM G MIDDAY NEWS UPDATE 12:30 PM G AUSTRALIAN NETWORK 1PM - 3PM CLASSROOM BROADCASTS continues..... 1:00 - 1:40 GRADE 6 MATHEMATICS 1:50 - 2:30 GRADE 6 SCIENCE 2:30 - 3:00 DEPI 3:00 PM G KIDS KONA 3:00PM - DORA THE EXPLORER 3:30PM - NEW MACDONALD'S FARM 4:00PM - THE SHAK 4:30PM - MR. MAKER 4:57 PM G EMTV TOKSAVE 5:00 PM G HOT SOURCE 5:30 PM G MILLIONAIRE HOT SEAT 5:57 PM G CRIME STOPPER 6:00 PM G NATIONAL EMTV NEWS 7:00 PM G THE WORLD AROUND US - The War Reporter 8:00 PM G ULTIMATE GUINEAS WORLD RECORD

8:30 PM G THE SECRET MILLIONAIRE S1 - EP#6/6 9:30 PM SURVIVOR Returns.....One World The 24th Edition of the reality series strands 18 castaways on a single Samoan beach, where they are divided into all-male and all-female tribes to vie for the \$1 million top prize. 10:27 PM G EMTV TOKSAVE 10:00 PM G NRL ROUND 10 HIGHLIGHTS 10:30 PM G EMTV NEWS REPLAY 11:30 PM - Australia Network - NEWS REPLAY

Program bai senis long taim bilong en..



# KTA mekim gutpela samting long Kokoda

**Aja Alex Potabe i raitim**

KOKODA Trek Atoriti (KTA) i wok long mekim ol planti gutpela samting long kirapim ples na pulim moa turis i kam

insait long Oro Provins na PNG wantaim.

Taim ol papa graun bilong Kokoda Trek i bin kamapim dispela atoriti long yia 2002, em i wok long mekim planti

ol gutpela samting, we ol pagraun, ol turis, na ol manmeri i wanbel na amamas long en.

Siaman bilong KTA, Reuben Maleva, i tok namba

bilong turis i wok long groa i go antap taim ol i ronim dispela atoriti wantaim bikpela halivim bilong gavman bilong Australia.

"Groa long namba bilong

turis i save kam insait long PNG long wokabout long Kokoda Trek em wanpela gutpela samting KTA i bin mekim wantaim bikpela helpim i kam long gavman bilong Australia," Maleva i tok.

Em i tok KTA stretim Sogeri-Owers Kona rot, helpim pipel wantaim bisnis na haus sik trening, baim ol redio bilong toktok sapos ol i painim birua long Kokoda Trek yet, na tu opim nara-pela opis bilong en yet long Kokoda.

"Nau ol papa graun i kisim gut sevis i kam long Kokoda Trek. Ol i save kisim gutpela

man i kam long ol tua opereta, husat i gat laisens long mekim tua bisnis long Kokoda.

"Antap long dispela mipela amamas long Turisim Promosen Atoriti na Gavman bilong Australia, aninit long AusAID long bikpela helpim ol i save givim mipela," Maleva i tok.

Maleva i tok PNG na Australia wantaim i save givim moa long K900, 000 long wan-wan yia long fanim KTA, tasol PNG gavman i nid long givim moa mani bikos KTA i gat planti moa wok long mekim long pulim moa turis i kam insait long kantri.

We're returning to Daru with great value prices!

ONEWAY FROM **K352\***.20  
INCLUDES TAXES & SURCHARGES

Air Niugini is excited to resume services to Daru. Our twice weekly flights commence 21st June 2012.

**OUR SCHEDULED SERVICES**  
Thursday: PX800 08:30 POM-DAU 09:40 / PX801 10:05 DAU-POM 11:15  
Sunday: PX800 13:00 POM-DAU 14:10 / PX801 14:35 DAU-POM 15:45



**Air Niugini**

Call toll free on 180 3444, or contact your nearest Air Niugini Travel Centre or Travel Agent

\*Fare quoted is based on Wantok Fare One Way basis and subject to availability. Conditions apply. Twice weekly services on Thursday and Sunday.

## Buskens joinim Oil Search Ltd

OIL SEARCH Limited (OSL) i amamas long tokaut olsem wanpela biknem man i joinim ol olsem Jeneral Menesa bilong Fainens -PNG.

Buskens, husat i gat Basela ov Komes digri long Akauntensi long PNG Yuni-vesiti ov Teknoloji long Lae, na Masta ov Fainens long Royal Melbon Institut ov Teknoloji, bai stat wok wantaim kampani long mun Julai.

Em bai stap long Mosbi na bosim fainens tim bilong OSL long PNG.

Taim OSL i tokaut long nupela wok bilong Buskens, Eksekyutiv Jeneral Menesa bilong PNG na Sastenebil-iti, Gereaa Aopi, i tok, Buskens i joinim dispela

kampani wantaim gutpela ekprens em i kisim long planti yia.

I no long taim tasol, Buskens i bin stap sif eksekyutiv opisa (CEO) bilong Nesenel Petroleum Kampani ov PNG (NPPC). Pastaim long en, em i bin stap menesing dairekta (MD) bilong Nambawan Super long 9-pela yia olgeta.

Aopi i tok taim Buskens i bin stap long Nambawan Super, em i bin kamapim planti gutpela samting na groim dispela fan i go antap long mani mak K3.1 bilian.

"Eksprens na lidasip bilong en em i namba wan samting bilong kirapim bisnis bilong yumi, taim OSL i groa i go bikpela," Aopi i tok.



Leon Buskens ...bai bosim fainens tim



# GLASIM RAMU NICO PROJEK



*Wanpela Ramu NiCo, Wanpela Komuniti*

# Ramu NiCo plen long mekim agrikalsa maket sevei

**L**ONG las tupela wik i go pinis, Ramu NiCo Komuniti Afes Agrikalsa dipatmen supavaisa, Allan Wahwah i bin raun i go long Basamuk insait long Raikos distrik na go long ol ples klostu long hap long painimaut rot long kamapim wanpela agrikalsa maket sevei we bai kamap long hap long bihain.

Dispela raun em long redim rot long kamapim wanpela kain maket sevei o wok painimaut bihain sapos ol pipel insait long Basamuk na Kostal Paipain eria bilong Ramu NiCo Projek i gat inap saplai bilong gaden kaikai, kumu na ol arapela samting long salim na kisim mani long helpim sindaun bilong ol taim Ramu NiCo i gat bikpela Rifaineri bilong en i sanap long Basamuk.

Wankain tingting i stap tu long kamapim maket sevei long ol arapela projek imek eria bilong Ramu Projek long hap bilong Kurumbukari insait long Usino-Bundi distrik eria, na tu long Maigari.

Moa long en tu, Mista Wahwah i laik kisim wanpela aidia o klia tingting long wanem samting ol lokal fama i save groim, na tu, wanem samting ol lain wokman meri bilong Ramu NiCo olsem ol China wok lain i save laikim na sapos i gat maket bilong en i stap.

Insait long wok raun bilong em, Mista Wahwah i bin bung wantaim Deputi Jeneral Menesa bilong Basamuk Rifaineri, George Wang, we tupela i mekim planti gutpela toktok long sait bilong wanem ol kaikai o kumu ol lain China woklain bilong Ramu NiCo i save laikim.

Mista Wang i givim ol gutpela tingting long Mista Wahwah, long kamapim wanpela kain sevei o wok painimaut we bai kisim tingting bilong ol lokal fama long Basamuk na tu long Kostal Paipain eria bilong Ramu Projek.

Mista Wang i tokim Allan olsem planti ol lain bilong China i save laik long baim ol kumu na sayor we ol i save laikim long kaikai long ples bilong ol. Sampela long ol dispela kumu em lik na anian. Sampela i save laikim tu pinat na popo, painapel na banana mau.

Olgeta dispela toktok Mista Wang i mekim i givim aidia long Mista Wahwah long go bek long Madang na bung wantaim ol wanwok bilong em long CA dipatmen long kamapim wanpela sevei program lukluk long sampela kain rot long kamapim sevei long ol givim i go long Ramu NiCo menesmen.

CA agrikalsa program long Basamuk i lukluk moa long promotim kakao blok developmen na rihabilitesen o kirapim na stretim gut ol kakao blok we i stap pastaim. Insait long lukluk raun bilong Ramu NiCo agrikalsa supavaisa long CA Dipatmen we sevei i bin kamap long Mingming blok na Ganglau viles long Jun 6 i go 8, we em i bin toktok wantaim 8-pela lain husat i givim bekim ol tingting bilong ol, ol fama long ples i gat strongpela tingting long lainim ol samting long menesim agrikalsa entaprais o bisnis we i lukluk i go insait long menesim ol eria olsem prodaksen.

Planti ol fama i tokaut olsem bikpela tingting bilong ol em long go insait long komesal faming na planti i laikim tru long painim ol gutpela rot long groim ol kaikai, prosesim na kamapim gutpela prodaksen na maketim. Ol i laik go insait long sait long groim ol gaden kaikai tu.

Sampela plen we CA Dipatmen i gat we bai i ken kamap bihain em long helpim long kamapim ol trening i go insait long ol agrikalsa entaprais we ol manmeri long ples i mas stap insait long en. Dispela trening em CA ofis long Madang i ken kamapim wantaim wok bung i kam long CA agrikalsa ofis long Basamuk.

Moa long en tu CA Agrikalsa Trening Ofisa long Madang na Kostal Paipain eria we i karamapim hap bilong Raikos i mas helpim long karimaut trening wantaim wok bung wantaim.



Ol lokol pipel bringim frut na kumu i go long Basamuk NCS mes



Fres kaikai maket long Tugyak



Wanpela mama i wok long rais fam bilong em klostu long Mingming



## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**Wanpela Ramu NiCo, Wanpela Komuniti**





**HOLIM EM:** Wanpela TNT pilaia i ronawe long Air Niugini birua bilong em long Mosbi Kopret Tas resis gem bilong ol long Sande las wik. *POTO: Andrew Molen.*



**LUKAUT:** Wanpela paitman i kalap na kikim birua bilong em long pait bilong tupela insait long Nesenel Taikwando sempionsip resis bilong ol long Mosbi las wik Sande. *POTO: Andrew Molen*



**KISIM LO HET:** Wanpela meri tromoi lek i go long het bilong birua bilong em long taikwando pait bilong tupela long Nesenel Sempionsip bilong Taikwando long Mosbi las wik Sande. *POTO: Andrew Molen.*



**PILAITASOL:** Hai Komisina bilong Australia long PNG, Ian Kemish i holim netbol bal na toktok wantaim sampela pilaia taim em i kamap long opim wanpela trening woksop bilong ol long Jun 8 long Mosbi. *POTO: Australia HiComm.*



**SAPOT:** Sampela ol ragbi pilaia i sindaun na lukluk long gem long Mosbi ragbi union resis long Jun 9. *POTO: Andrew Molen.*

**TOKSAVE:** Salim ol spots dro bilong yu kam long Feks; 325 2579, e-mel;[amolen@wantok.com.pg](mailto:amolen@wantok.com.pg) o kam lusim long Wantok Niuspepa opis long Central Waigani, NCD.



# Spit bilong win na wara

**Y**U harim na save pinis long ol kain kain pilai bilong graun tasol yu mas save tu olsem i gat ol pilai na resis bilong wara tu.

Long graun i gat ol resis bilong ol masin olsem kar, wilwil na arapela, tasol long wara i gat resis bilong ol bot na arapela masin bilong wara olsem tu.

I gat planti kain resis bilong ol dispela samting bilong wara, sampela bikpela na sampela liklik.

Tete bai yumi lukluk long wanpela resis bilong ol dispela wara masin, ol i kolim seling (sailing) o resis bilong kanu i gat sel long en.

Resis bilong ol dispela sel kanu i save kamap strong olgeta ples we i stap klostu long solwara we ol manmeri bilong ol dispela ples i save gut long ronim ol dispela kanu na bot.

### Histri bilong gem

Pasin bilong ron long bot o kanu em i no nupela samting, olgeta manmeri husat i save stap klostu long wara i save yusim olsem wanpela rot bilong ol long ron i go kam namel long ol ples.

Tasol spot bilong resis wantaim ol dispela kanu i stat long 1600 (17 sensri) long Holen (Holland) long Yurop.

Long Holen, King bilong Inglen, Charles II, i kisim i go long kantri bilong em long 1660.

Bihain long hap, dispela spot i go long Amerika we em i go bikpela moa, we ol wokman bilong ol sip i bung wantaim long kamapim ol yot (yacht) klap we ol i save bung long malolo na tu ronim ol kanu na bot bilong ol.

Namba wan yot klap tru i bin kamap long Cork long Ireland (Ailan) long 1720 na olpela klap tru long Amerika em NYYC we ol i kamapim long 1844.

NYYC i bin resis wantaim sampela ol pi-laia bilong Inglen long 1851 insait long wanpela resis we ol i win na kisim trofi go bek long klap bilong ol.

Dispela resis i stap yet nau we ol i save kolim Amerikas kap (America's Cup).

### Stail na loa bilong pilai

Long stap insait long dispela resis, yu mas i gat wanpela sel bot o kanu bilong yu yet.

Yu mas i gat save tu long ronim dispela sel bot wantaim strong na spit bilong win tasol.

Dispela em astingting bilong resis wantaim sel kanu bilong wanem ol dispela bot i save ron long spit na strong bilong win tasol taim dispela win i pas long ol bikpela sel bilong ol.

Taim ol sela (sailor) o ol man bilong ronim bot long solwara, i lukim win i go olsem wanem, ol bai tanim ol hap han bilong sip bai sel bilong en i ken kisim dispela win na mekim em i go spit moa long mekim em i tanim i go long rot ol i laik go long en.

Em i no isipela samting long mekim tasol ol sela i save gut long olgeta hap bilong bot we ol i mas mekim wok long en long helpim bot i ron gut.

I gat kain kain sel kanu o bot, olsem ol yot, i bikpela tru we i save gat planti manmeri antap long ronim na sampela olsem ol hobi ket (hobbie cat) i liklik inap long wanpela o tupela manmeri tasol i ronim.

Wanwan long dispela ol kanu i gat resis bilong ol yet.

Resis bilong ol bikpela bot i save brukim solwara i go long ol longwe ples o raunim ol ailan na i kam bek, sampela taim ol i save ron inap tri o 4-pela de.


Ol liklik kanu i save ron insait long wanpela hap tasol bilong solwara namel long ol mak we ol i save putim.

I gat wanwan stail bilong ronim ol dispela sel bot bilong wanem strongpela win i ken



**BIHAINIM WIN:** Ol bot i apim sel bilong ol ron insait long wanpela resis.

### SEL BOT: Ol hap hap bilong wanpela sel bot



**HANGAMAP:** Wanpela sela i hangamap long sait long sidaunim bot bilong em gut.

tanim ol sapos ol i no sanapim gut.

Taim win i go strong na i apim bot i go long wanpela sait, ol sela i save taitim ol yet long rop na hangamap i go long hap-sait bilong bot long mekim hevi bilong ol i daunim narapela sait bilong bot i go daun long wara gen.

Aninit long bot tu i gat longpela samting i go daun, ol i kolim fin, we i save helpim bot long noken kapsait hariap, na tu i save helpim em long tanim i go kam antap long wara.

Ol i mas tanim sel i go kam hariap long kisim win long i go spit moa o taim ol i laik tanim bot.

Sapos yu laik stap inait long dispela spot, yu mas save gut long wok bilong olgeta samting antap long bot na tu save long strong na spit bilong solwara na win bai yu ken yusim dispela save long helpim yu ron gut antap long wara.

### Seling long PNG

Sel kanu resis em i no nupela samting long Papua Niugini na i save kamap strong long ol asples we i stap klostu long solwara.

Ol manmeri long ol ples ol ples olsem Sentrol provins, Milen Be na ol arapela solwara ples i save ronim ol sel kanu long bipo yet na nau ol i save gat ol resis bilong ol yet tu.

Royal Papua Yot Klap (RPYC) long Mosbi em wanpela ples we olgeta sel bot na kanu save stap long en.

Sampela bilong ol i save stap long ples na i kamap tasol long taim bilong resis.

Bikpela resis bilong ol sel bot long PNG i save kamap namel long ol liklik bot na kanu olsem ol hobi ket we wanpela ol tupela man tasol i save ronim.

Ol PNG sela i stap insait pinis long ol bikpela tonamen olsem Pasifik Gems we ol i resis wantaim ol dispela sel kanu bilong ol.

Em i wanpela spot we i ken kamap bikpela moa sapos moa manmeri bilong solwara i stap insait long en.

Seling i ken lainim yu tu long save gut long pasin bilong solwara na win, bai yu ken save long wanem taim wara bai go antap o daun, wanem taim wara bai strong tru na wanem taim em bai silip isi.

Bai yu save tu long luksave long spit na strong bilong win na tu long ronim bot yu yet antap long wara.

Em i gutpela save na spot long stap insait long en.

Wanpela samting tasol i save daunim tingting bilong ol manmeri long kisim dispela spot em kos bilong mekim o baim wanpela seling bot.

Na sapos yu man o meri bilong narapela ples longwe long solwara na i laik traim dispela spot, em bai no inap isi long yu lainim long ronim dispela bot hariap.

Nau yet i nogat planti klap bilong dispela spot i stap tasol em i ken pulim planti moa manmeri sapos ol i ken opim rot long olgeta manmeri husat i gat laik long pilai, i ken kam joinim ol.

Kos bilong ronim dispela kain spot tu i save antap, na em in o isi long kamapim gutpela ples bilong putim ol bot.

Sapos gavman, ol spona na ol spots ogenaisesen bilong kantri ken wokbung long helpim bai kain ol spot i ken kamap bikpela na gutpela moa na tu kisim moa luksave.

# Husat bai kisim ples bilong Stewart

OL Blues i no laik mekim planti senis long tim bilong ol we i winim Stet ov Orijin gem tu lass wik tasol ol i gat wari long prop fowet, Glenn Stewart husat i bagarapim lek skru bilong em.

Stewart i bagarapim lek bilong em long Mande nait gem bilong ol agensim Melbourne long Brookvale oval.

Ol dokta i tok em i brukim ol masol long lek skru bilong em long lep sait na bai no inap pilai 4-pela wik olgeta.

Dispela i min olsem Stewart bai no inap long stap insait long seleksen bilong namba tri Stet ov Orijin Gem we bai kamap long Suncorp stadium long Brisbane long Julai 4.

Kosa, Ricky Stuart i tok em bai givim inap taim long lukim sapos Stewart bai orait hariap bipo long ol i mekim seleksen.

Tasol long wankain taim, em i save olsem dispela bai hat tu olsem na em i wok long putim ai nau long ol

arapela pilaia husat bai nap long kisim ples bilong Stewart.

Asisten kosa bilong Blues, Trent Barret, i tok ol i gat planti moa gupela pilaia olsem Stewart i stap na ol bai lukluk long ol sapos em i no orait hariap long pilai gen.

"Em i wanpela bikpela pilaia long tim bilong mipela na mipela i wari long lusim em tasol i gat planti ol arapela pialia olsem em tu i stap olsem na mipela bai orait tasol," Barrett i tok.

Tripela man ol i lukluk long kisim ples bilong em nau em Ryan Hoffman bilong Melbourne, Beau Scott bilong St George Illawarra na wanpilai bilong em long Manly, Tony Williams husat i bin kisim bagarap long baksait bilong em long Orijin gem wan na i wok long orait nau.,

Tripela wantaim i gat ekspiriens we i lukim Scott i stap long Blues skwat bilong las yia, Ryan Hoffman i pilai 5-pela gem pinis na Williams i stap long gem

wan dispela yia.

"I gat planti long ol mipela bai lukluk en," Barrett i tok.

Blues seken ro fowet, Luke Lewis tu i tok ol i wari long lusim Stewart.

Em i wanpela strongpela pilaia insait long tim husat i save helpim bung gut wantaim ol arapela na i save strongim tim tu.

Narapela Blues pilaia husat i bin kisim bagarap long gem tu em Greg Bird tasol em i tok, em bai orait bipo long gem tri kamap olsem na em bai ol i noken wari tumas.

Long wankain taim, Mal Meninga i putim ai long ol bikpela Maroons pilaia bilong em, Greg Inglis na Billy Slater husat ol i bin kisim bagarap tu long Orijin gem tu.

Sapos ol i orait bai ol i stap insait long skwat bilong gem tri long traim na winim namba 7 taitol bilong ol insait long 7-pela yia.

Nogat bai Meninga tu i mas painim ol arapela pilaia long kisim ples bilong ol.

## Parker redi long pilai gen

WANPELA wik bihain long em i katim lek bilong em long Stet ov Orijin gem tu long Sydney, Brisbane fowet, Corey Parker i redi long pilai gen.

Bikpela astingting bilong em long kam bek hariap na pilai, em long stap insait long 300 fes gred gem bilong wanpilai, Petero Civoniceva taim ol Broncos i pilaim South Sydney long Fraide nait.

Long dispela gem bai lukim Civoniceva i kamap namba 17 pilaia long pilai 300 klap gem insait long NRL.

"Em bai bikpela gem bilong Petero long Fraide nait na mi no laik stap nating, mi laik stap insait long dispela gem tu," Parker i tok.

Parker i laik wokhat tu long traim na winim ples insait long Maroons tim long Gem tri we bai laspela gem bilong Civoniceva tu.

"Mi pilim orait na mi nap long pilai dispela wiken," em i tok.

Laspela sans long lukim sapos em i nap long pilai tumora bai kamap long tete moning taim ol i go long trending.

Parker i bin katim sait bilong lek bilong em wantaim but bilong em yet long namba tu hap bilong Stet ov Orijin gem las wik na i bin go stret long haus sik we ol i samapim hariap.

"Ol i pasim gut na em i no sua olsem na mi ken pilai yet bihain long ol i putim sampela moa karamap antap long holim em i stap strong," Parker i tok.

## Wari bai no inap stopim Farah

SAMPELA de tasol bihain long mama bilong em i dai, Tigers kepten, Robbie Farah i tok em i laik pilai long gem bilong ol long Mande wik i kam agensim ol Knights.

Farah i no bin pilai long las wik Sande bihain long em i harim olsem mama bilong em i dai long sik kensa long bel.

Tigers kosa, Tim Sheens i tok ol bai givim inap taim long Farah long pinisim olgeta wari na belhevi bilong em bipo em i kam bek long pilai.

Tasol long Tunde dispela wik, Farah i tok em i laik pilai gen.

Wanpela i kam long klap i tok, Farah yet i askim long nem bilong em i stap insait long tim bilong pilai long Mande nait tasol em bai tokaut tru sapos em bai pilai yet o nogat, bipo long Fraide.

Dispela bai wanpela bikpela gem bilong ol Tigers husat bai bungim ol Knights we Darius Boyd na Akuila Uate bai stap insait long tim bihain long Stet ov Orijin.



# SPOTS DRO RAUN 16

**Fraide : Jun 22, 2012**



**WIN Stadium**  
Dragons V<sup>s</sup> Titans



**Suncorp Stadium**  
Broncos V<sup>s</sup> Rabbitohs



**Sarare: Jun 23, 2012**



**Centrebet Stadium**  
Panthers V<sup>s</sup> Eels



**Dairy Farmers Stadium**  
Cowboys V<sup>s</sup> Raiders



**Sande: Jun 24, 2012**



**Virgin Australian Stadium**  
Bulldogs V<sup>s</sup> Storm



**Allianz Stadium**  
Roosters V<sup>s</sup> Sea Eagles



**Mande: Jun 25, 2012**



**Hunter Stadium**  
Knights V<sup>s</sup> W/Tigers



**Bai: Warriors, Sharks**

## Raun 15 Poin Leda

Pos	Tim	W	L	D	B	+/-	Pts
1.	Storm	12	2	0	1	209	26
2.	Bulldogs	9	5	0	1	100	20
3.	Broncos	9	5	0	1	84	20
4.	Rabbitohs	8	5	0	2	21	20
5.	Sharks	9	5	0	1	15	20
6.	Cowboys	8	6	0	1	74	18
7.	W/ Tigers	8	6	0	1	26	18
8.	Sea Eagles	8	6	0	1	13	18
9.	Warriors	6	8	0	1	-3	14
10.	Titans	6	8	0	1	-18	14
11.	Dragons	6	8	0	1	-42	14
12.	Raiders	5	8	0	2	-69	14
13.	Roosters	6	8	0	1	-80	14
14.	Knights	4	9	0	2	-71	12
15.	Panthers	4	10	0	1	-105	10
16.	Eels	2	11	0	2	-154	8

# AIRLINES PNG

## Moa sans, planti moa taim

Port Moresby ↔ Mt Hagen *na kam bek*  
\* **Tupla taim-olgeta dei.**

Port Moresby ↔ Daru *na kam bek*  
\* **Olgeta dei.**  
Dash 8 balus tasol

Port Moresby ↔ Lae ↔ Kimbe ↔ Kokopo  
*na kam bek*  
\* **Olgeta dei.**

\* Taim tebol blong ron blong balus bai stat long June 18

Ringim 16111 o lukim long [www.apng.com](http://www.apng.com)

COME FLY OUR WAY

- PORT MORESBY - Level 1, Pacific Place, 321 3400
- MT. HAGEN - Central Highlands Printers, 542 0662
- Kagamuga Airport, 542 2732
- LAE - Micro Bank Haus, Fifth Street, 479 5900
- POPONDETTA - Top Town (opp. Memorial Park), 629 7638
- ALOTAU - Preston White Street, 641 1288
- GOROKA - Airport, 532 2532
- TABUBIL - Airport, 649 9171
- KIUNGA - Airport, 649 1125
- MADANG - Global Travel, 422 0011
- KIMBE - Travel Line Limited, 717 42306
- RABAUL - Rabaul Hotel, 982 1999





## DIANA

DIANA Diana Hot & Spice  
DIANA Diana Mild & Creamy  
DIANA Diana Mild & Creamy  
DIANA Diana Mild & Creamy  
DIANA Diana Barbecue Flavour

# Wok na pilai

Ol sekyuriti opisa amamas long wokbung na pilai wantaim

TAIM ol i nogat samting long mekim, ragbi em i wanpela spot we ol ami na polis bilong Papua Niugini, Australia na Nu Silan i save amamas tasol long pasim taim long en. Long las wik, ol opisa bilong dispela tripela kantri bin stap insait long wanpela kain resis

we ol ANZAC (tim bilong ol Australia na Nu Silan), i winim ol PNG polis 2-1. Ol PNG polis i bin wetim balus long go long wok, long was long ileksen long Hagen taim ol Anzac i rausim wanpela ragbi bal na tokim ol long pilai.

*Moa long Pes 31.*

RON: Wanpela PNG opisa i ron wantaim bal agensim ol ANZAC.

POTO: I kam long Australia HiComm.

# Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

## All Sport and First Aid requirements.

P.O.Box 1066 Boroko.  
Phone 325 3185. Fax 325 0190.  
Email sales@johnstons.com.pg."